

中國方志叢書·華北地方·第二六〇號

據

清·張世英等修巨國桂等纂  
光緒十四年刊本


影印

陝西 省

# 武功縣續志

7917/35

成文出版社有限公司印行



\*10098642\*

中華民國五十九年 月壹一版

# 武功縣續志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

光緒戊子年刊

武功縣續志

板藏武功縣署

## 武功續志序

志者具體國史者也其體例之嚴繁簡之殺發諸前人者難更僕數才則易之不才則難之故爲志者或鮮當不卽坐視遺逸而終無所聞余謂志以紀事事苟不可沒才不才曷拘焉武功之有志不自康對山殿撰始而殿撰志獨馳名海內數百年踵武者或越百數十年而一出其書尙有在者其說並散見於今志之篇中可闕而不論英獨慨自嘉慶中迄今八十

餘年無一人焉纂紀其間以繼述前賢之志之事豈  
盡不才如英耶抑才而國課之盈絀民生之枯苑實  
攬其心而枝其肘日不暇給耶或以可志者無幾姑  
蓄其志而有待耶夫必能志而後志則對山不世出  
而武豈可以無志以無可志而姑待則八十餘年中  
事變錯出已有厯浩劫而無從究稽者遲之又久後  
之人不更失考鏡而嘆息憤恨於無已乎是則區區  
之心不敢自謂爲才而任其事亦不敢以不才而無

志於此也是役也馬子俊有道同諸邑紳任採訪巨  
子馥同里匯修之就削於同里王心如任士言兩師  
而鉸版焉英不過資部署肩贊成之責而已後有作  
者其以此爲可續此邑八十年之文獻而是正其脫  
誤斯又英與諸賓師之厚幸也夫

光緒十四年秋八月知縣事秦州張世英序

二  
月

二

武功縣續志

總纂

賜進士出身知武功縣事秦州張世英

匯修

舉人秦安巨國桂

鑒定

前富平縣知縣舉人伏羗王權

賜進士出身戶部主事秦州任其昌

督刊

教諭富平張之燮

教諭華州時自新

訓導舉人長安梅焱林



正工身系三

典史大典靳錫楨

探訪

前郟縣訓導舉人馬用章

舉人魏象書

賜進士出身前河南息縣知縣馬錫齡

中書銜舉人劉系唐

教習舉人蔣世彥

恩副貢康棲鳳

歲貢張熙

歲貢馬夢齡

歲貢楊凌青

歲貢楊致泰

大...  
卷二十一

歲

貢 申 良 翰

候

銓

訓

導 馬 蘅

候

銓

訓

導 郭 懷 珍

候

銓

理

問 馬 荃

附

貢 徐 永 齡

附

貢 倪 登 瀛

廩

生 李 錫 庚

廩

生 宋 大 新

廩

生 朱 漢 清

廩

生 徐 三 甲

廩

生 劉 校

廩

生 陳 錫 瑞

庠

生

段偉岳

庠

生

党縉

庠

生

黃在中

庠

生

宋映南

庠

生

王鳳鳴

庠

生

符蕙

庠

生

楊相堯

庠

生

黃應庚

庠

生

梁鳳書

庠

生

戴蘭芳

庠

生

馮世壽

庠

生

王敬之

庠

生 王永康

校對

前 署 商 州 訓 導 張 蘇

庠 生 耿 河

五子集卷之二

卷之二

三

地理

疆域視前志無甚更改然河山如故昔受其利今或無利可受至不免爲病者其中有天有人嗚乎天不得而知也若人事之廢而不修又誰之咎耶作地理第一

渭清二水入出縣界俱詳前志嘉慶後渭兼并清而益北徙沒田計八十餘頃立節鄭村渭源三堡害爲劇

岸底村渠引武水溉本村盡蒜村界田六頃餘廣文修約七里民頗利之創作年月無考

成國故渠白渠暨鳳泉諸渠今並無蹤可跡

龍北溝距城北約半里跨西原舊有路民間言前明知縣朱哀鑿壞地脈者同治初居民輒相率取土其中後知非宜乃相與禁之今漸不通行蹤矣

西麓山房在西門外西原麓翰林檢討孫景烈講學處

掘井窰在楊家堡高廉道楊本仁讀書處

孫景烈墓在東原南留村

## 建置

一家中積數十稔門閭宮壺興廢類相尋焉矧在一邑且據前沈志雍正間邑集視前明增數凡五南阿康氏幸戶口殷繁又懼逐末者多而眷眷於司民瘼者之防制也迄今集數如前而薛固游鳳永安三鎮蓋罷市焉惟楊陵大莊普濟稱極盛問所由判則以販賣罌粟汁之當衝與否於戲殆哉於戲殆哉其他興廢亦有類是者是俱可以覘政教觀世變矣作建置第二

城郭詳前志嘉慶間知縣張樹勳以傾圯重修榜顏五門東外曰思文古治內曰麟閣勳名西外曰雍原秋寶內曰許國文章南外曰綠野春雲內曰龍圖經濟北外曰鳳岡晚翠內曰虎觀淹該小北門外曰二水朝霞內曰璇璣錦繡咸豐十一年知縣張宗濬補修同治六年知縣鄭慶崧七年陳子楷補修光緒元年知縣陳爾



正工集卷之二十一  
第補修十三年知縣張世英修復張樹勳之舊

西門外民廬更盛迭衰見前沈志乾隆間孫景烈講學原麓遠方學者競廬其旁時頗繁櫛今則僅餘居民一二家其他廢址傷鑿略盡矣

北門外民廬髮回之變居民坏郭爲守備同治五年髮賊陷郭肆掠時西藏貢使被梗在武於城上擊以火箭中其酋兵民併力夾擊賊憚而去以此尙無恙

縣署規模見前志同治十二年知縣陳重修大門樓儀門各三間諸吏房二十一間堂四各五間大堂內右庫外左廡廡並神祠共四十一間後中亭三間東西房各四間西後院神龕一間西北房共五間二堂後東西廊各五間東後厨五間西後院三共房三十五間三堂後演劇臺三間東舫西軒各三間四堂後臺一亭樓塢

射圃各一碑廊五間右內宅共房三十二間署基共從五十五丈橫北十四丈八尺南十九丈有碑

儒學教諭署在什字東訓導借寓按察分司行署同治十三年知縣陳修學署大門三間葺明倫堂五間尊經閣三間閣東如西內宅建堂五間左右厦客房各三間移教諭而西居訓導焉以按察分司地爲差徭局兩學地基共從十八丈一尺橫十四丈四尺五寸

督捕廳光緒五年典史余奎曜重修縱二十五丈七尺橫三丈二尺門凡三各一間堂三間東西厦各二間內舍八間堂右縱二十丈一尺橫三丈三尺北廳三間厦各一間

考院在后街馬王廟西乃南倉廢址縱十九丈橫北七丈五尺南八丈同治十三年知縣陳創建重門各三間東西號舍各十五間

中起魁星閣進爲唱名庭三間庭後校文堂五間東西房厨共七間有碑光緒十四年知縣張補修

綠野書院縱二十六丈五尺橫北十二丈二尺南十三丈一尺嘉慶間知縣張樹勳重建悉倣前明舊式同治初毀於兵惟餘橫渠祠堂十三年知縣陳於堂前重修內舍講堂各三間耳房二號舍三十六高門一光緒十四年知縣張捐錢七百緡置膏火房 街有邵義學縱八丈九尺橫六丈七尺八寸內舍三間南北齋各一間講堂三間高門一碑二南號舍十七間并房一間光緒元年知縣陳重修十四年知縣張補葺

常平倉今存北倉入門縱一十五丈橫西三丈四尺東二丈二尺北折縱二十四丈二尺橫八丈四尺北神龕一間左右廡各二間前東西廡各十間守者屋二間同治十二年知縣陳補修東北各

廩西光緒十四年知縣張重修

社倉見前志者盡廢捕廳西縱八丈橫六丈六尺廩六間守耆屋一間門一道光三年知縣段嘉謨募建同治十二年知縣陳重修光緒七年知縣李嘉謨建九鎮倉各三間惟南關鎮卽在城鎮借儲城隍廟道院不儲捕廳西者艱於守也普集大莊游鳳三鎮倉光緒十四年知縣張重修

文社田朱家村五十八畝零同治十二年知縣陳經置今湮沒十之一二矣

差徭局從九丈五尺五寸橫西三丈六尺東三丈光緒元年知縣陳改修高門一堂厦厨共十二間

漆漳渭上下津俱詳前志惟東門外漆渡爲驛路要衝冬輿梁三時船楫均由官經紀道光初知縣段嘉謨累石爲梁鑄鐵持之數

年復圯同治間知縣陳編船橫渡上覆土旁栽數柳未幾水發而  
圯

太乙墩自東坡上至毛家嘴凡五相傳爲前明張太乙築以防變  
守城同治十二年知縣陳增築一墩於鄭家坡

姜源墓坊

蘇武墓坊皆同治間知縣陳創建

汛署橫南八丈七尺北九丈縱十五丈二尺大門門房儀門各一  
間堂三間右屋一間後室三間東廚二間今零落至不能托底矣  
光緒十五年知縣張重修增廡二間

補刊

祠祀

祠祀之重人知之矣有一語相詰今之守土至不苟取號廉介而其所以從典祀果無忝於神明乎邑近於例祀而外至有借牲之祭嗚乎牲可得而借而祀可知矣作祠祀第三

文廟道光五年邑人重修光緒十四年知縣張重修

城隍廟道光十九年邑人重修

文昌宮在學門內東同治八年知縣湯重修於正殿前北築臺存敬一亭舊址

火星廟道光二十年邑人重修

龍神祠在漆水東與東門相望同治十二年知縣陳創買民地半畝從用六丈六尺五寸橫二丈二尺五寸建正殿三間南北廊房各一間大門三間光緒十四年知縣張並魁星忠孝節義蘇武張

載康海六祠捐錢三百五十千權子母為祭物經久費其有裔者各頒胙


后稷祠咸豐間增修式廓於舊有碑其西匡半道光初邑人建呂仙洞舊俗祠與姜嫄城隍諸廟歲設添油會三遠近男女填溢城郭甚喧闐焉惟呂仙以求方治病無日無之光緒十四年知縣張勸省油數輸穀儲以備荒易會名為積粟捐錢一百四十千權子母歲以倡輸俾會得久遠焉

關帝廟道光八年邑人重修光緒十四年知縣張重修

劉猛將軍廟在北關唐太宗祠北橫六丈二尺五寸從四丈三尺正殿三間門一道光二十七年邑人創建

諸壇墼地詳前志歲久盡廢光緒十四年知縣張重修既置儼房

大王廟址文廟東南其西南南舊儼房也 諸壇文廟文昌宮歲修禮樂器用胥取資焉



賦役

邑自嘉道以來地日以減而差徭至立有局於戲地減而賦縮矣  
差徭十分減九雖將四年究何解於徵有均徭之說耶此 國民  
之不免於病也作賦役第四

民地丁均徭等項原額至歸實數目已詳前志惟計地丁徭役句

上缺以上等項共征銀二萬四千六百一十四兩五錢九

除請倣以糧載丁案內減銀三千二百三十八兩一錢九

一層又與屯更等均未叙各項科則及分計本折糧數前志

嘉慶十八年次年渭水沒地一十四頃六十四畝九分九釐道光

四年渭水沒地三頃六十八畝二釐二毫以畝科本色糧五勺一

抄三撮一圭五粟八粒科折色糧三升五合三勺一抄六撮三圭

四粟徵銀四分五釐八系七忽五微七纖九塵科均徭銀六釐八



毫八系二忽四微七纖核計共免本色糧九斗四升五勺折色糧  
六十四石七斗三升五合二勺徵銀八十二兩六錢四分六釐二  
毫均徭銀一十二兩六錢一分五釐六毫實在民地三千二百六  
頃七十二畝六分二釐七毫額徵本色糧一百六十四石五斗五  
升五合九勺折色糧一萬一千三百二十四石九斗八升三合五  
勺徵銀一萬四千四百五十八兩三錢三分四釐均徭銀二千二  
百七兩二分一釐原額丁銀並征停免匠價軍籍丁糧除以糧載  
丁案內減銀外實銀四千五百二十四兩四錢九分八釐並新增  
王駙馬地租銀九十一兩二錢七分六釐共額徵銀二萬一千二  
百八十一兩一錢二分九釐正銀一兩遇閏加銀一分四釐八毫  
六系五忽五微三纖耗銀一錢五分遇閏加耗銀二分二釐二毫  
九系八忽光緒十二年涓水沒地三十四頃二十六畝七分四釐

按科緩征本色糧一石七斗五升八合五勺折色糧一百二十一石一升九合九勺徵銀一百五十四兩四錢九分四釐均徭銀二十三兩五錢九分三釐視嘉慶十八年短地五十二頃五十九畝七分五釐二毫短本色糧二石六斗九升九合折色糧一百八十五石七斗五升五合一勺徵銀二百三十七兩一錢四分二毫均徭銀三十六兩二錢八釐六毫

起運銀一萬六千四百三十五兩一錢八分五釐內除光緒十二年  
年起三年緩征銀一百七十八兩八分七釐留縣汛兵馬米豆草  
束銀九十九兩八錢六分五釐汛兵原額官馬兵六名步兵四名  
守兵三十二名迭減至光緒十年  
得留四成官馬兵三名日支米每名二升二合二勺二撮八  
粟步兵一名六分每名一升六合六勺六撮六圭六粟守兵  
十二名每名一升一合一勺一抄一撮八粟馬三匹每匹日支豆  
二升九合七勺草一束九分八釐每束價銀一分每斗米豆均一  
錢遇閏額增  
小建扣解

存留本色糧一百六十四石五斗五升五合八勺四撮內除緩征

糧一石七斗五升八合五勺支三十二名孤貧口糧日支市斗麥每名一升小

建扣存留銀四千八百四十六兩八錢八分前志四千八百七十三兩六錢二釐嘉慶十九年道

光四年免銀共二十額徵站支項下解舊塘銀二百三十二兩五

錢四釐站支新墾銀五十二兩七錢八分一釐驛站浮銀二十二

兩一錢三分九釐撥協長武夫馬工料修理銀三百三十二兩一

錢四分九釐支驛馬五十四匹草料日支草每匹二束每束價銀一分五釐豆五升每升價銀

九釐銀一千四百五十八兩扣解小建及四分之一六分驛馬修理

銀五十三兩九錢三分九釐支直銀一百九兩八錢八分二項不

餘扣解與馬夫三十名半工食日支銀每銀三百二十八兩八錢

草料同一分扣解小建及二五節省六分額徵禱支項下解縣馬新墾銀

減平三項遇閏在司領支

四十二兩五錢五分二釐損夫新墾銀一百三十七兩六錢四分

五釐撥協留壩損夫工食銀七十兩五錢四分六釐解裁汰鄉飲

銀四兩九錢二分八釐支縣馬五匹草料日支草每匹二束每束

每升價銀九釐銀一百七兩八錢七分六釐扣解與驛馬同縣馬修理銀

四兩九錢九分四釐除小建外扣解與驛馬同損夫七十名工食每名日支銀

七百五十三兩六錢一分一釐扣解俱與馬夫同舖司十九名工

食日支銀每名一銀一百一十四兩扣解鐘鼓夫三名工食日支

分六釐六毫銀七兩二錢扣解祭旂燹犒賞民壯銀三兩九錢四分二

釐名六釐一毫

釐春秋祭祀銀七十三兩一錢二分四釐額徵俸工項下共支銀

九百一十七兩六錢五分二釐扣解裁減役食二成俸額徵孤貧

冬衣布花銀一十八兩六錢八釐扣解一五成銀二視嘉慶十八

年共減銀六百一十三兩九錢二分有奇

耗羨額徵銀三千一百七十七兩零正銀內流抵防兵支知縣養支項不徵耗羨

廉銀六百兩公費銀二百六十兩典史養廉銀六十兩解銀二千

二百五十七兩零內除光緒十二年三年緩徵銀二十六兩七

錢一分三釐解養廉裁減一成銀六十兩廉費六分減平銀五十

一兩六錢廉費搭支一成六折銀四十八兩

司領春秋祭祀銀四十七兩七錢六分額外孤貧口糧銀六十八

兩四錢一五墓夫工食銀一十二兩一五倒馬價銀八十八兩九

錢三成驛馬閏月銀一百二十一兩五錢小建馬夫閏月銀二十

七兩四錢五分小建

屯衛官下軍下旱地及減徵官廳兌食等地前志歸實熟地一千

九百八十九頃八十二畝八分九釐三毫嘉慶十八年渭水沒地

一十五頃五十一畝二分二釐二十五年四頃八十畝二分二釐

道光元年六頃五十七畝七分五釐九年三頃八十八畝三分五釐皆軍下旱地免銀二十六兩七錢七分五釐糧一百二十三石一斗一合六勺嘉慶二十三年接收華州等州縣軍下旱地三頃八十畝三分三釐西安府屬官下旱地七十畝改隸興平等縣軍下旱地一頃四十三畝一分西安府屬官下旱地三十三畝六分官下減徵布地五十畝軍下減徵地四十一頃七十三畝一分五釐官廳地二十三畝六分官下兌食地一頃軍下兌食地三十四頃實在共地一千九百六十一頃七十八畝九分八釐額徵折布丁條馬草銀一千七百二十四兩二錢四分二釐市斗豌豆三千四百二十石九斗二合一勺額京斗豌豆四千八百八十七石三合一勺市斗粟米四千二百二十石五斗四升五勺額京斗粟米六千二十九石三斗四升三合一勺

光緒十三年  
准豆米木折兼徵  
奏丁銀額徵

四百三十六兩九錢六分八釐科則每畝官下旱地本色豆米六  
升折色糧二升折布銀四釐二毫丁條銀一釐七毫馬銀一釐草  
銀二釐四毫軍下旱地本色豆米四升折色糧二升折布銀四釐  
二毫丁條銀一釐七毫馬銀一釐草銀一釐八毫官下減徵布地  
折色糧八升折布銀一分六釐八毫丁條銀一釐七毫馬銀一釐  
草銀二釐四毫軍下減徵布地折色糧六升折布銀一分二釐六  
毫丁條銀一釐七毫馬銀一釐草銀一釐八毫官廳地本色米三  
斗丁條銀一釐七毫馬銀一釐草銀一釐八毫官下兌食地本色  
豆米二升折色糧二升折布銀四釐二毫丁條銀一釐七毫馬銀  
一釐草銀二釐四毫兌食本色糧四升軍下兌食地折色糧二升  
折布銀四釐二毫丁條銀一釐七毫馬銀一釐草銀一釐八毫兌  
食本色糧四升正銀每兩耗銀一錢五分徵丁正銀遇閏統加三

兩五錢一分二釐正糧一石京斗耗糧七升五合光緒十二年渭水沒軍下旱地二十頃六十九畝八分五釐按科緩徵銀一十八兩八釐本色糧八十二石七斗九升四合內市斗豌豆三十七石二斗五升七合三勺粟米四十五石五斗三升六合七勺視嘉慶十八年減地四十八頃七十三畝七分六釐三毫減銀四十一兩七錢六分八釐糧一百九十四石二斗二升二合六勺

起運銀二千一百六十一兩二錢一分耗隨內除屯丁兌食銀一

十四兩七錢緩徵銀一十八兩八釐運道倉市斗糧七千七百八十一石四斗四升二合七勺耗隨內除屯丁兌食糧一百四十石

緩徵糧八十二石七斗九升四合

更名各等旱地自前志歸實熟地三百一十二頃四分四釐後嘉慶二十三年接收盩厔縣五等旱地三十一畝九分道光元年渭



水沒二等麥米地二十三畝免本色糧四斗六升實在熟地三百  
一十二頃九畝三分四釐內一等旱地二百四十四頃一十八畝  
五分二釐畝科折色銀五釐八毫六絲小麥二升一合六勺四抄  
粟米二升一合六勺四抄二等麥米地一十三頃一十六畝八分  
八釐畝科小麥一升粟米一升二等麥豆地七頃八十二畝五分  
畝科小麥一升豌豆一升一等興地三十五頃七十一畝一分八  
釐畝科折色銀四釐七毫小麥二升一合七勺八抄五撮粟米二  
升一合七勺八抄五撮四等熟地一十三畝四分畝科折色銀三  
釐三毫小麥二升六合七勺五抄粟米二升六合七勺五抄五等  
熟地八十二畝四釐畝科小麥二升一合粟米二升一合六等熟  
地二十五畝畝科小麥二升四合三勺二抄一等乾地五頃一十  
八畝六分二釐畝科小麥二升五合粟米二升五合二等乾地四

頃八十一畝二分畝科小麥三升九合八勺四抄共額徵折色銀  
一百五十九兩九錢二分二釐均丁銀七十五兩一錢八釐本邑  
市斗小麥六百六十二石三升四合四勺額京斗小麥九百四十  
五石七斗六升三合四勺粟米六百三十四石四斗三升三勺額  
京斗粟米九百六石三斗二升九合豌豆七石八斗二升五合一  
勺額京斗豌豆一十一石一斗七升八合七勺

光緒十三年 奏  
准麥豆米本折兼

徵均丁正銀每兩徵耗銀一錢五分折色耗銀七分五釐遇閏統  
加均丁正銀六錢三分八釐正糧一石京斗耗糧七升五合光緒  
十二年渭水沒地一十一頃九十七畝四分六釐內一等旱地一  
頃九十六畝四分一釐二等麥米地七頃七十一畝三釐二等麥  
豆地四十八畝二分一釐一等興地一頃四十二畝七分八釐五  
等蓋地三十九畝三釐按科緩徵折色銀一兩八錢二分二釐本

色糧三十二石七斗四升五合六勺內市斗小麥一十六石三斗七升二合八勺豌豆四斗八升二合一勺粟米一十五石八斗九升七勺視嘉慶十八年減地一十一頃八十八畝五分六釐增均丁銀六分三釐減折色銀一兩八錢二分二釐本色糧三十一石八斗六升五合八勺

起運銀二百三十五兩三分耗隨內除緩徵三年折色銀一兩八

錢二分二釐運道倉市斗糧一千三百四石二斗八升九合八勺

耗隨內除緩徵本色糧三十二石七斗四升五合六勺

地稅原無定額至咸豐十年解有四十一兩八錢八分之數光緒十年照報徵解牙帖原額銀二十九兩一錢在城等鎮經減五兩六錢楊陵鎮一兩二錢光緒十一年復增三兩三錢共徵解銀二十五兩六錢視前志短銀三兩六錢課程餘稅如舊

鹽課自咸豐四年易前志終於商運者官試運銷弗利復如乾隆舊章歸入地丁徵解民不爲便改由河東道招商運銷光緒九年緝私滋事知縣黃國均稟准城鎮三十六鋪戶販銷咸陽官鹽商運復停

站軍地四十一頃六十六畝一分五釐卽軍下減徵地內之數每年除止徵折布丁條馬草銀兩外額納租銀六十六兩三錢二分

八釐興平三兩三錢零共七十兩移交隴州轉發所屬長甯驛領用

馬廠地舊爲西安駐防八旂牧所原額九百六十頃瀕渭界興蓋扶武四縣乾隆十五年復勘立界名曰正廠餘地二十三頃五十五畝有奇給民租種畝銀一錢解司充公節次水沒存地一十八頃四十畝有奇乾隆四十八年題准撥解糧道膏火關中書院現徵解銀一百兩零正廠於乾隆四十年八旂移駐新疆並出征四

川金川等處存馬無多題准以半牧馬半民墾種亦如餘地租數  
畝銀一錢由縣徵解司移送將軍給八旂養贍窮民及兵丁慶吊  
獎賞等費武功分墾界屬正白廂黃二旂地二百二頃五十五畝  
三分六釐興平二百七十七頃四十四畝六分四釐至嘉慶十三  
年渭水遷徙居民爭控願加租領種復勘得分墾正廠長地一頃  
九畝零餘可墾者一百頃其正廠四百三十四頃九畝零畝加租  
銀六分四十五頃九十畝零畝加租銀二分長地一頃九畝零畝  
額租銀一錢六分餘地百頃武功分墾七十頃整厓三十頃畝額  
租銀一錢嗣以租民易銀有火耗加成之費八旂領銀易錢發時  
搭錠零分計銀一兩內外折耗至四五分多改銀一兩完制錢千  
每年六月十一月兩期徑解將軍收納道光二年至三十年節次  
水沖撥補加租武功共實存正餘地二百九頃三十二畝七分九

釐內正餘旱地一百四十一頃四十三畝一分五釐畝額租錢一百七十上等水田三十三頃一十畝四分九釐租錢四百五十中等水田一頃六十畝六分八釐租錢三百餘地六頃二十六畝七分五釐租一百四十五錢餘地一十八頃七畝九分租一百三十五錢正餘旱地七頃五十畝二分六釐租錢一百二十餘地一頃三十三畝五分六釐租錢一百共四千三百五十三千二百八十五錢車脚公費畝出一十七錢六分七釐六毫同治以來兵荒迭經租戶散亡歲徵租錢未能如額光緒十年知縣涂傳德報水沒地一十八頃八十二畝四分緩徵三百二十千八錢其留牧四百八十頃地經人匹馬無存於光緒二年招民墾種計畝升科郿縣分地二十頃武功一百九十二頃五十七畝四分四釐九絲一忽內上等水田二十五畝畝額租錢四百五十中等旱田八十七頃

七十六畝六分二釐租錢一百七十下等旱田一百四頃五十五畝八分二釐九絲一忽租一百三十五錢共二千九百一十四千八百一十一錢車脚公費等項同前光緒十年知縣涂報冲三十頃七十八畝八分緩徵租五百八千八百七十九錢光緒二年擬留牧廠地二百三十三頃九十九畝是年招墾試種整屋分地二百三頃四畝六分武功三十頃九十四畝四分現未科租計不敷額三十三頃四十三畝五分五釐九毫九忽

差徭嘉慶初年十三里各出總什二人輪流收支

合寄莊里按十三里七分輪支

每十四日寄莊輪支一日兩輪空一

每畝歲派銅錢一百有奇至二十一年派增一

倍邑紳申請制軍准派錢六十至道光二十九年邑紳復以派逾前額同總什立局收支視向止增五錢遇有兵差另酌派數三十年總什某藉端控紳廢局竟復如舊濫派咸豐元年另紳申請累

歲得復六十錢之舊未幾仍由總什派錢至二百八十同治四年官紳議裁總什然以兵差絡繹派錢仍至二百有奇光緒六年定章派錢四十用數仍浮定額十年又定新章正銀一兩隨納三百三十五錢五分九釐一毫計民正銀二萬一千二百一十七兩四錢一分滿年計收七千一百二十串三百七十二錢各差夫馬車騾支錢二千串外酒席程儀犒賞零費支錢一千二百串流差車馬支錢八百串均按月交署匯辦局紳管賬火夫打雜火食筆札兵書糧頭學租祭神書院獎賞修補公館添置器具管車馬役守公館夫下鄉盤費計十五項滿年支錢一千四百六十七串二百除支餘一千六百五十三串一百七十二錢發商生息至可備凶荒一年之需再有餘錢買穀儲倉寄莊另局收存派錢數同各里支按地數七分



釐金止徵土煙縣官經辦起自咸豐八年同治八年省局委員接辦十二年復歸縣辦光緒元年停止八年復興歲徵解無定額

倉儲常平倉京斗麥二百四十二石六斗九升八合豆四千二百九十九石七斗九升社倉縣市斗豆七百九十四石七斗三升穀五千八百九十七石六斗四升

戶二萬六百九十九

災異

前沈志以祥異隸紀事張志刪之殆謂遠邇俱見非一邑所得私也若此數十年中紛至沓來有同有獨安得盡熟視而無覩邪噫京房易占劉董議疏未必無附會而通儒躄之謂挽回究在人也守土者其有憂乎作災異第五

嘉慶二十年夏烏飛蔽天數月乃止是歲邑大疫

道光十九年四月地震

咸豐元年七月十二日南鄉胡家新莊天方雨忽平地水湧漂數村屋宇皆圮十餘日始退究不識水所自來

同治初髮冢兩逆累犯縣境先期必有烏集城北塔上賊去烏亦去屢試皆驗

二年四月大雨雹是年停俱奉游鳳韓店馬午興城五里徵

九年一鳥自雲下集城隍灰色展翅如車輪食一牛略盡衆圍視之傲然不驚羣燃鎗擊之久始斃食其肉者多病有死者

十一年十二月二十六日夜天赤

光緒四年歲大飢自岐山以東至縣北鄉厓土白膩類麥麩鄉人呼爲石麩爭取食之多病癰閉或以此死

五年五月朔三日地震越十餘日又震

八年四月十一日大雨雹知縣李嘉謨發薛固鎮義倉粟以賑飢民據情申請豁免豆糧亦自儉膳數月

十三年夏五月黃濁四塞着地成土越日始開霽冬凍冰解草木皆坼甲

官師

官師無表則八十四年中爲無人矣雖然表之而僅有其名或並籍貫之無考者何耶任事時傳舍視職已不嫌以過客居人亦至以過客目也悲夫又前志立表而弃武職似非所以重干城也同治間關隴多故自十一年常有駐防人員此則非久規要亦職守所在今並城守營入表以昭鄭重作官師第六

	知縣	教諭	訓導	典史	城守營 駐防
嘉慶 癸亥七年	錢汝器 <small>見前志</small>	馬崑 <small>見前志</small>	韓繼晉 <small>見前志</small>	朱繼武 <small>見前志</small>	
甲子八年	黃景略 <small>廣東新會舉人</small>				
丁卯十二年	張樹勳				

戊辰十三年

浙江秀水廩生

郭肇

白水舉人

己巳十四年

黃景略

庚午十五年

辛未十六年

黃景略

壬申十七年

癸酉十八年

戴開岐

張樹勳

乙亥二十年

段嘉謨

河南偃師舉人

萬選青

甘肅靜甯拔貢生

張青霓

甘肅鎮原拔貢生

李執中

鄧賢

孫印祿

蔣大熊

甲申四年	癸未三年	壬午二年	辛巳元年	道光	庚辰二十五年	戊寅二十三年
郭熊飛	黃景略	段嘉謨	陳	張聯璧	高騰雲	史映奎
山東濰縣進士			韓城舉人	與平副榜	甘肅會甯歲貢生	咸陽舉人
王星漢	梭作敬		王聘	吳陞銳		
大荔拔貢生	蒲城歲貢生		三原廩生			

官師

丙戌六年

吳承烈

江蘇武進舉人

楊翼翰

華陰廩生

丁亥七年

王鍾

蒲城舉人

戊子八年

姚廣晉

江西南城監生

己丑九年

吳永綬

安徽休甯監生

庚寅十年

任

直隸玉田舉人

癸巳十三年

馬曉林

河南伊陽進士

甲十四年 鄧兆桐

廣東三水舉人

閔步青

藍田拔貢生

龐赴瀛

岐山廩生

乙十五年

王道坦

甘肅靜甯舉人

丁十七年

謝灝

朝邑捐貢

戊十八年

俞廷琮

江西廣豐監生

己十九年

庚二十年 張兆元

朱調元

官師

三



辛丑年二十一

年

癸卯年二十三鄭慶崧

年

廣西臨桂進士

甲辰年二十四張肇元

年

順天甯州副榜

乙巳年二十五

年

宋兌成

岐山廩生

丙午年二十六方坦

年

浙江新城進士

丁未年二十七鄭奎雄

王肇榮

四川高縣監生

季天祥

甘肅皋蘭吏員

徐立鼎

湖北

年

順天大興舉人

戊申年 二十八方坦

李關 扶風舉人 富平舉人

巳酉年 二十九

薛桂潔

韓城附生

庚戌年 三十年毛守愆

張廣載

大荔附生

山西太平監生

咸豐 任恩培

辛亥年

貴州清鎮舉人

甲寅四年

李澄

李茂

鄧喜

官師

四

乙卯五年

黃世仁

鄭慶崧

丙辰六年

陳廷植

廣東興甯監生

丁巳七年

戊午八年

孔憲璜

山東曲阜教習舉人

富平舉人

張汝弼

三原舉人

楊文炳

渭南舉人

潘金册

湖南巴陵監生

高善舉

安徽貴池監生

田上平



辛 未 十年	庚 午 九年	己 巳 八年	戊 辰 七年	丁 卯 六年
		湯銘新 <small>浙江諸暨進士</small>	陳子楷 <small>湖北應城進士</small>	
			吳屏西 <small>廬施廩生</small>	
張毓秀		楊清巒 <small>鄂縣貢生</small>		
	余奎曜 <small>浙江西 安監生</small>	吳青雲 <small>四川開 縣監生</small>	王澤 <small>山西虞 鄉監生</small>	鄧作霖 <small>四川銅 梁監生</small>
		王建祿		

丙子二年	光緒 乙亥元年	甲戌十三年	癸酉十二年	壬申十一年
				陳爾弗 四川金 堂監生
		李靖 洋縣已 未副貢	龐志先 岐山貢 生	
				禮泉舉 人
余奎驪		盛鍾俊 江蘇武 進監生	王定銘 四川廣 元監生	
	駐防 袁國祥 記名提 督	黨林 鳳翔縣 人	仇懷吉	駐防 傅開德 記名提 督

官師

成寅四年

巳卯五年

庚辰六年

辛巳七年

壬午八年

仇懷吉

熊含章  
楊清巒

湖北松滋  
周輝峻  
生西鄉貢

陳爾第

文麟

正藍旂  
漢軍監生

李茲  
長安人

駐防  
舒秀松

參將江蘇人

張宋魁

甘肅固原人

癸未 九年	黃國均 <small>廣西臨桂監生</small>	甲申 十年	涂傅德 <small>江西新城監生</small>	乙酉 十一年		丙戌 十二年	張世英 <small>甘肅秦州進士</small>	丁亥 十三年	
吳屏西		梅焱林 <small>長安舉人</small>				張之燮 <small>富平孝廉方正</small>		時自新	
段吉祥 <small>甘肅固原人</small>		鄒仁誌 <small>四川華陽監生</small>	韓豫 <small>長安人</small>	靳錫楨 <small>順天大興監生</small>		蔡玉麟 <small>甘肅甯州武舉</small>	駐防蕭友煌 <small>總兵湖南桂陽人</small>		鄧玉衡

武川系貢生

卷之二 一官師

丁



華州廩

成甯人

黃景略廣東新會舉人初來繼浙錢氏後四至焉累以忤上官  
 去然於民則體之無不至嘉慶十一年差赴雲南邑彭姓者素  
 相人蠱惑邑童子耿棲梧糜數人日造飛語並暗取邑之有名  
 望者註册號黨與事發按察某驚詫謂當有亂萌欲發兵按册  
 窮捕適景略差旋會城力陳當道願以家口保武無此事或耆  
 惑妄言耳時西安將軍富亦以爲言乃僅取數人者鞠之果妄  
 語也迄今八十餘年武人談及輒色變曰時無黃侯殆矣景略  
 伉爽勁直文筆雄恣邑志自康熙撰後 國朝李紹韓沈華  
 宰武時各有續志至錢汝器匯三志續爲一垂成而去景略至  
 卒成而梓之

張樹勳浙江秀水廩生勤慎善書法捐修城垣日就築處椽灌

以試堅否曰吾不願省費而速成也縣城南郭東外爲綠野書院  
舊址圯廢已久樹勳始修之並置田籌費爲束修膏火經久計  
選俊秀士充牣之爲聘舉人党行義講授其中兼改靜山書院  
爲有邵義學延師課士重增錢汝器續志間亦有補所未逮者  
兩任武功調長安去

段嘉謨號襄亭河南偃師舉人由岐山移宰武功歷年多能悉  
民間情實民心服焉

郭熊飛字次虎山東濰縣進士自張樹勳重培士氣邑人頗知  
嚮學及熊飛則峻法嚴命令不時微服至民間伺察善惡鄰邑  
有盜穴至身入捕獲渠從以此強暴皆斂迹後官至布政使  
吳承烈號秋畬江蘇武進舉人勤簡而恪不喜郭次虎之治嘗  
言爲官當使民常安於無事然決獄能持小心其自奉亦甚儉

約後補麟游知縣

孔憲璜山東曲阜人聽斷類吳承烈能適如人情民間競言孔公聽訟善爲民預判未來事謂杜防及後日也期年而去民咸曰惜也不若段侯之久也段謂段嘉謨

陳爾莠號小蕘四川金堂監生聽斷亦明敏自段嘉謨治尙安靜吳孔繼之官民頗自安土木興作曠如也爾莠性好修造催收民欠差錢數萬緡以葺事事在建置志光緒四年歲大饑能自省以籌賑民以是稱之兩任武功移長安卒後以虧空被參論曰鄉曲中十年後性情好尙十年前耆老鄉先生啓之官民相感之微亦若是然不能盡以事蹟名遙遙幾百年衆口所稱乃僅六七人豈悃悃無華者與民相安於無爲民遂書焉不察與何循良之寡乏也顧今昔之武民性情好尙何如耳

光緒戊子年刊

武功縣續志

板藏武功縣署



人物

邑多世族前志已有其說更數世而踵起迭興者正不獨馬氏忠烈萃於一門楊氏仕宦世著廉能劉張簪纓蟬聯未替郭党修行蔚爲文章蒐羅所及並深低徊而貞女賣志與夫髮回兩變編氓死義巾幗抗節益復有光於前後來居上矣作人物第七

忠烈

馬駭徐家灣人業作烟絲嘉慶二年蜀楚教匪反嘗千百爲羣擾盪鄴時渭水不及許岸北諸社皆告警籌所以禦一日匪首遣十餘賊涉渭索牛馬食物於徐家灣衆懼禍之及已也率予之如所索駭素號俠烈奮然曰賊近在南岸水淺可涉而不來者愛我耶未知我之虛實耳今十餘賊得志而去必大至矣徐塋者鄉保也乃與議擊之駭執鏗烟絲刀踔先手刃二賊塋率衆制梃荷鍤鎗

追至渭上要擊十餘賊盡殺之南岸賊不敢復踰渭乃自斜谷入山數月又自斜谷出由教坊過渭掠扶風之齊家鋪無一賊復至武境沿渭數百家均恃以無恐驍族弟鏞幼無依驍撫育以長同居終身見者皆以爲胞兄弟云

論曰里有盛德盜賊畏知其名以馬驍較王彥方其庇及鄉里又何如耶世衰道微邪說潛吹煽人心壯哉馬驍健矣徐莖使草澤愚民盡箝烈膽如兩男子彼虺毒而蜂聚者胡爲哉

孟兆祥東扶風人庠生員同治元年回變起各村寨結團抗賊推兆祥爲團總夏六月咸陽被圍兆祥與武舉胡宗海提衆赴援戰死於咸陽縣西沈家莊賊平咸陽民爲請

卹與建祠咸陽西門外兼祀從死者小九寨西堡武舉王維墉武生白仲元白先春民團王大祥白天佑劉元中白遇春白鮮春王

文秀王文有王文佐王肯壽王文郎白清王季保王三全王樹林  
王柱子錢太平錢阜管王梗娃王遂平王三平王全喜黃時時王  
兆貞王順王羊王雙林劉勤李致祥王遇道王道王錫智王吉兆  
王盛王根娃王春王復興王成王天保王胡鬧王就成王官起王  
大丑王雙丁王文正王三荀王記州王三王小九寨楊家堡團長  
史登科民團史登鰲史大文史忠元史愷史祿史卷史逢章史文  
章史引楊明明楊生財楊應春楊才楊正王升王升財王登高田  
戊戌楊順王孟德王芳王年王考楊元楊貴元楊女子楊長萬王  
吉王全王元王秋旱王臨朝楊起鳳楊打吉王虎楊國別王領王  
道王萬昌王良光王凌霄王五王五斤王凌科王章王丁午王三  
應史萬年楊成義小九寨陳家堡團長陳鈞民團劉文學陳仲陳  
平陳自平陳五成劉三過陳仲元陳懷陳仲鰲陳廣廣康正王阜



管王老虎王銀煥王銀劉金倉劉羊羔劉阜狗淡自平東扶風西  
堡民團胡和氣宋成劉八全劉前劉信信劉聚才劉金遇劉福元  
劉好又胡阜保胡進長胡元葉咸陽李通劉振邦劉會頭韓三保  
李籠州劉才劉增福劉兆吉劉興郎劉登劉三有葉奉祥劉根符  
李改換劉生春劉鉄帖王妙李丁太李勞劉玉山劉化吉胡四胡  
仁畜李五劉四成劉六蔡興韓遂剛劉掌全李大麻胡換銀李天  
時陳存存陳朝劉早有劉百鎖劉市吉劉根劉四東扶風北堡武  
生蔣彩平民團葉中吉馬成王有才田舉俞登熬俞煥朝俞保定  
俞雙宦俞兆唐田剛田祥田丹田銀玉田義田登保田澇田仲元  
田永春葉三金葉永安王省三李伸伸蔣郎客蔣智蔣禮東扶風  
東坡里團長田四魁民團田承德田義春田甲樂田甲祿田海田  
誠董德盛田志禮田常王增福田杰田炮田永泰田志田高田承

公田智田居田玉王雙鎖田大善田風田平田友田常陳歲東扶  
風東堡武生李順玉劉吹手李別子田義和田歲收田種麥張福  
壽王順家田歲瓜田法李五全楊玉田瓜性楊卜東扶風新城里  
團長李員頭團眾李天保李春李在公李義李萬年蔡郎李好歹  
李耘田麻子高德才高四王江繩王必興李十喬保元高三張四  
篤週元田丁狗蔡麻週俞四蔡鎖蔡盤根蔡萬吉張三簡何王義  
王三學王三貴王祥王元張金滿蔡四張六侯義清蔡九篤閏五  
葉三葉耳東扶風下東堡團眾龐山陳在祥陳中終杜二河上村  
東堡團眾丁起瑞席大林王登第田寺村大堡團長張起道張思  
道團眾張娥張銘金張銘書張銘孟張銘几張進廣張化普張執  
福張執祿張德高張德花張德明張建中張敬修張允修張慎修  
張樹德張樹信張樹茂張永揚張新輝張銀和張忠和張協和張

永和張順和張始發張逢春張勤修葛鳳懷張名益張世恭張大  
紹張大彩張義張樹型張仲鵠張仲德張世明張世蕃張仕秀張  
仕賢張忠扶張卯娃張大武張惠發張士舉張世臣張吉張文俊  
張樹枝張懷玉張世祿張世親張大戶張利利張大勳張世有張  
世真張世仁張含章張彩章張理合張占張保海張丁娃張保成  
張生春張保正張德青張惟青張保德張永浮張映水張水舟張  
全喜張生會張貴張福張元田寺村尖城里團長張茂德張茂枝  
團衆張茂甲張茂同張茂吉張燕靈張序靈張均有張均德張務  
成張務道張奇文張大文張宏文張識文張成文張光文張執敬  
張丕謨張丕烈張公賢張公達張公恕張公興張萬年張樹立張  
自貴張善言張萬金田寺村上北堡團衆趙文學趙文合趙文新  
趙自魁趙仲月趙老學趙明金張全趙布趙萬盛田寺村劉家堡

團長劉珠團衆劉煥章劉彥信劉萬升劉萬祿劉萬壽劉彥昌劉  
平義劉動玉劉平東劉元劉士英劉士榮劉士魁劉士貴劉士智  
劉性娃劉家科田寺村上堡團長段世才團衆段好呆段齊段承  
清段祿娃張滿張賢張連盛康順成段輔尹段忠李仲善段春和  
段允升段恆春李獅子段眼娃段驢娃段文魁趙旦李純李三桃  
張維起張珍張訓張志興段純法甲子屯武生趙天相李仲魁李  
兆祥李登元朱毓秀捐貢李振彩團衆趙殿江王福丁白毛丁勳  
趙萬金趙管柱丁萬和丁王八趙科李應元吳應福王庭佐王廷  
獻王庭魁王長序周焦周平馬興元朱銀河朱喜朱管牢馬免馬  
三禮張安王回王明德朱根劉彥才石萬玉尼安村監生王登雲  
團衆王登魁王登第王登元寺照村侯桂侯有侯順侯芳侯輔成  
侯萬幸侯英侯掌侯天德侯天相侯收侯喜侯天盛侯萬倉侯強

莊子里席家堡團眾席桂席滿德席意長席四有席法苟席有孝  
席萬勞席馬驟席彥玉席倉娃薛固鎮團眾包義成東扶風陳家  
堡團眾鄭思賦鄭二陳趙客陳遇貴王三李吾孫景太孫興陳在  
祥陳恍惚孫新東扶風南堡團眾張天阜張仲芝張長福王卜王  
册王永孟熊卜余大善王大文王六斤王元劉河劉王成張舉王  
平玉劉元劉轉劉吳保張阿蘓孟熊威孟允祥張盈吳四李黃得  
李如年張虎張毛兒張碾場張潤張順清張廣盛吳義余全保余  
乃桂楊坐營楊棉花張正午張懷郎張廣求田寺村上堡團眾段  
振祥段叩田寺村下侯家堡團眾侯富侯三長侯陸侯成侯位侯  
才侯學長侯應和侯五金侯錫智侯興侯正清侯助清侯惟清侯  
輔清東扶風正東堡團眾陳應學陳在祥陳科舉陳於貴孫景太  
孫心陳海陳河鄭二鄭九杜登科王致和李天平張南李吳子丁

二龐寅甲子屯南堡團衆趙固趙奠江趙奠邦趙奠升趙奠奎趙  
奠清趙智趙文趙脈楊東元趙長命陳久陳坊娃趙盤九楊大陳  
牛陳登科陳登奎陳雪成陳三成趙文才趙來喜趙臣趙雙喜趙  
敬秋趙星莊子里團長吳大奎團衆吳林吳超吳蔡元吳福壽吳  
惠吳誼吳誠吳天錫吳天平吳天爵吳天眷吳進奎吳文受吳忙  
中吳和尚吳秀吳文友吳通吳文會吳文科吳文杰吳文正吳文  
英吳金桂吳赫吳仁義吳善娃吳春吳郎吳瓜子吳黑油吳遠渭  
望人塢團衆許登營河道里團衆吳六劉長高翼李向春馮有財  
論曰壬癸之變秦隴騷然忠義士民奮臂提戈肝膽塗地而不悔  
如孟兆祥者蓋不乏人然宋之義勇自岳飛宗澤外盪寇者能幾  
人哉此七百八十一人不使之堅壁清野聊固吾圉暴離里閭竟  
委諸豕豕羣凶之口可痛哭也抑游說其間而弗與之俱死者其

罪爲不勝誅矣

蔣登甲庠生員蔣家寨人逆回亂倡結民團時扶風在籍知縣郭珍亦集團擊賊約登甲爲聲援同治元年十月郭敗被圍登甲議赴約衆懼莫肯往因太息曰所以仗諸君力期保聚者信耳今先失信於人後雖有急又何能濟乎徑執戈盪決獨前死先是仁天寨武童楊安慶挾弓矢單騎投郭嘗射殺數十賊賊憤盡燒安慶房屋在仁天寨者計八院後數月在郭營被踏死

胡聯芳下川口人以武舉授靜甯千總咸豐間隨協戎定助勦安徽歸解營務適逆回變簡料壯丁守本村堡嘗獨當一面同治元年十一月賊大至川口聯芳督衆登堡賊由後攻入提刀躍堡下巷戰死之是年可層鋪尙太牛贖馬村伊永隆俱集衆屢與賊戰力竭而死太牛蓋連殺四賊云

李遂南莊人初聞渭南回匪反卽鍛矛自奮曰吾不徒死賊手旣以叔柩未殯謀掩匿而賊入南莊挺出遇賊騎橫矛刺數賊落馬死餘賊見遂獷猛吹角揚旂旆數十賊躍馬來擊蹂躪而死而大北街荆魁以出偵遇賊格鬪移時死其餘團長團眾與逆回戰死者同治元年則北關荆陽博村生員陳錫周陳恆裕陳大謨陳先成陳三樂陳鳳和陳鳳會陳三時陳居盛陳元興陳博陳奎書陳恆泰陳禹錫陳三富陳三遇彭文章彭文第彭文魁彭文遠彭文盛彭文著彭文質彭文來彭文寅彭文金彭益貞彭益華彭益尙彭應龍彭應虎彭步瀛彭步岸彭步超党剛党玠党琳党瑞党秀党常党吉党平党稱党瑤党智陈玠陈瑜陈瑞馬阜才王三省王裸王福段生芳段生魁段智陳大本陳言陳璉王清楊成彭自立彭自行彭自克彭自思彭自警彭自勤彭永餘彭永瑞彭永信彭



永昆彭永倬彭永壇彭永桂彭永祥彭建中彭祀娃彭全娃彭安  
娃劉海許代許福党常順党居娃任芳楊銀楊肯堂楊天運楊泰  
楊英楊守祿楊大鼎楊克家楊承家楊大勇楊登泰楊甲午楊登  
祥楊登階楊秀河毛平楊庭虎楊庭鰲楊大玉楊陸楊天春楊揚  
楊鼠楊毓靈楊風楊義楊容眾毛有倫楊大全楊德盛楊大振楊  
大信楊大勳楊大烈楊昇楊秉梁楊登堂楊法楊登金楊興楊戊  
辰楊勞楊有楊跟吉楊廷育楊思恭楊思義楊思祀楊德信楊德  
才楊信楊全楊利楊矯圪潦村何如意張家崗徐昭李琪張應中  
劉發才袁登科侯萬雲劉文昭布王村王懷清張永太張維玉普  
集鎮張仲利張仲貞張潔張漢張拱辰張翰娃張煦常壘常塾常  
壘常連常履泰常務農常錫位常錫嘏常廷奠常廷輝常廷煬常  
廷序常僚常佐常銘張杰張務學常廷葵常可智常忍常慈常念

典張恆溫興城寺楊淑谷尼寺谷致榮谷大槐谷大才谷大有谷  
振海谷慎言谷振山谷上林谷時太谷時健谷時有谷計成谷約  
會谷致信谷長德谷長清谷長潔李得福黃家堡黃金聲黃金庫  
黃金鑑黃遇合黃長壽王五德梨張堡梁潤梁廷珣梁廷玳蘭英  
儲介張書義張五禮張清彥張景福張景命張貴張篤張振懷張  
安張正張玉衡張玉振張滿張歹娃張善娃張言娃張慶娃張驢  
娃張富娃張明娃張通娃張雲娃張必娃張具娃張正娃張武娃  
張參娃張小參娃張起娃張拴娃張銀娃張篤娃張今娃張八娃  
崔含壽郭萬金崔正和崔登漢劉生魁劉起璋楊財楊鎖金鐵寨  
金天保金萬鑑金玉柱金可交金昌玉金玉貴金俊那金英圪塔  
廟劉文譚生員劉文淵馬房堡閆光顯武生陳九如顯義堡尙恆  
新梅花寺張忠顯二年則杜家寨劉建積袁積袁昇袁河殊三元

袁應祥袁周祥杜治家唐貴袁佑劉丙楊生春何法圪潦村李啓  
堂賈兆村賈博賈學海賈增榮賈用賈鳴鳳賈忠英賈恪賈怡賈  
長住賈增金賈增輝賈文武賈存魏家店王麟王貴趙食穆保娃  
馮純喜蔣家寨王文蔚傅忠蔣文明蔣天德蔣駒蔣水娃蔣穩付  
得成蔣榜王倉王滿蒲三義蒲如意魏發福蒲順境蒲昇蒲清泰  
蒲振中蒲振西蔣永泰蔣銀保蒲收娃金之老蔣碎過蔣作楫金  
吉慶金祀娃金滿銀金其林金福臨金萬斤金成娃蔣寶銀蔣江  
娃蔣三駒山村弓熙勳陳家溝陳敬陳萬陳德陳財陳善陳啓泰  
穆登城董義劉忠智劉忠貞王玉李仁北王宅村馬自壽常景泰  
萬奎龍占魁郭鴻禧郭成玉顯義村黃泰元尖栢樹吳閻章吳占  
魁王安成吳鳳昌吳月德吳三元吳居秦約功吳家莊吳奇白楊  
寨李信車三柴家嘴柴義柴闖霍恆霍維李常李根多柴金有柴

萬柴章柴太平霍文章柴歲揚北立節張成玉張志靈張炳張世  
有張玉瓶張豐張百里張壽南村張金張肇堂張大儉張得興李  
振甲張得森張登鵬張肯堂張博學張考三弓家堡弓忠義弓積  
仁渠堡任遠任量普集鎮蘇玉武生張錫元徐家灣徐盈庫徐三  
管徐友娃徐修行徐正娃馬奉章馬鎮江曹家新莊康廷魁坡底  
堡劉成賈晁堡賈玉堂大寨堡常元苟倉店子上張爾疆北營西  
堡卓起卓財卓爽王天爵卓樂卓茂才卓亨卓玉卓如蠻七年則  
長凝東堡張明順普集鎮張遇春毛家嘴馬良輔

論曰團練出自召募所謂聚烏合之衆與死寇相犄角其不足仗  
信矣若蔣登甲胡聯芳等四百餘人結父老子弟互相捍衛其義  
似優而卒之脂膏原野埋愁互古嗟乎七百八十人之事近在目  
前諸人竟踵蹈死轍而不顧彼豈不知鋌鋒未可以徹鈍當邪偉

哉武民之勇於義也

丁啓瑞河上村人庠生員結髮讀書聞塾師談及忠義事輒聳立聽之童輩從後曳去不肯動同治元年十月八日逆回劫掠驟至河上村人未及避啓瑞闔閭勞以好語給賊村中婦女乘時得入窺賊問有馬乎曰有馬者逃牛自當有之俄一馬從旁軼去賊曰此非馬乎何以欺我揮戟刺之啓瑞始捶胸嫚罵至死不絕聲成得甲仁村人增廣生教授生徒多成就者同治二年逆回至仁村掘窟出婦女載之盈車得甲時匿別窟中聞號哭聲挺出與賊抗論賊方擁所載置不應乃以頭闖賊賊拔刀斫之中一賊呵曰此痘迷蕙而無罪奈何爾爾時得甲頭已驀落地上呵者怒驅衆賊捨車而去諸婦女俱賴以脫痘迷者賊呼漢民之統稱也據婦女言呵者殆其酋云

論曰甲之死與丁同而尤倔強者彼或適不及距也嗚呼聞其聲不忍食其肉仁厚君子於禽獸且然也況豕突之變虐及良家婦女乎若得甲者義足動賊宜矣然則世有開門延賊反爲賊所噴棄謂頸血不足汗刃者果何心也與得甲同年死者

常元曜普集人增廣生好讀書或憐其貧助之曰困憊中自有生趣無相累也一日間庭戶方莊坐爲門下講經而賊突入諸徒皆逃散元曜神色自若賊去後衆始入視則身敬椅上而首異處隣媪或匿馬矢中隔壁聞罵賊聲

楊漢興聖寺西村人庠生員賊至西村不肯避數賊以殺人父兄淫人婦女不遇王師必受天誅賊笑其迂腐以矛柄揮之罵曰豬奴敢爾賊刺其股罵益酷被穿心倒地三日乃死

劉起祥川雲口人廩生道遇賊欲虜以行不爲屈賊批以刀背罵

曰雖利刃不畏也但恨我老憊不能斫汝凶賊耳賊益批幾死乃殺之同村貢生白元泰亦以被虜不從死

馬映珏毛家嘴人庠生員在家方飯賊陡至以椀擊賊不中义手大罵賊劈去半額罵不絕聲死

王毓藻馬旂寨人庠生員被賊執曰我秀才也不殺則殺汝醜賊奪賊刀賊反刃攻殺之婦女多見者謂死後身粉碎目爛爛如生也

宋恪封王平皆鞏渠村人格封講生平鄉保也逆回入村兩人均搯稅拒賊賊殺之年近九十矣時閭家坡閭正倉年與二人齊於坡上遇乾州來賊問至縣城何徑爲捷正倉舉杖擊罵之被斷脰以死

羅映漢字雲亭號印川羅家堡人庠生員伉爽有膽略嘗出貲募

綠野書院創立文昌奎星字紙會通醫善針刺所活人甚衆雖重謝不受也逆回犯縣境勢撲羅家堡映漢時在城聞之挺身出道梗舉手罵賊賊馳過數騎踵至復攔罵之賊下馬持長矛透腹死登陴望見者皆爲隕涕是年庠生羅翔麟復以罵賊死翔麟亦羅家堡人

楊謙光楊家堡人字仲益弱冠以諸生膺鄉舉制軍舒公聞其善書辟辦摺奏舒尋督兵東南謙光以怯騎辭歸同治五年三月髮逆猝至鄉人逃竄幾盡謙光屹不爲動與同堡生員王懿之均以守堡爲已任賊破堡識爲文學士也掩耳揮之去謙光懿之奮不顧身同遇害謙光子三兒以救父死時年十九

論曰羅映漢素饒俠氣固死是求烈矣聞謙光則好學寡交娟靜如淑女所爲楷書精妙具晉人法又工鐵筆每刻石印得者遂視



爲重寶意其人特彬雅流耳乃義可以生勢亦得不死顧嶄然死  
之彼居恆談忠義獵高官至委以專責臨變輒心搖意動者何喋  
喋也

楊泰來普集新城童子也髮逆破楊家堡泰來時依母家居田寺  
村而其父凌青投徒於楊家堡泰來聞堡破歸家議偕叔探父信  
未行而賊至新城泰來被執賊脅問窟室答以我客耳不知所在  
杖之終不告賊釋縛好謂當隨我去則曰我雖孩童亦皇家百姓  
豈能從汝賊取刃嚇之躡入井時其叔已先入井窺方股栗聞泰  
來隱井巖下肆口罵賊石下不能及罵愈烈賊以油潑絮被焚之  
投井中被燒死時年十五

蔣銘張布村人年五十餘尙應童試遭變遇賊以不屈死

劉彬廩生進士濟瀛子髮逆至挺刃角之力盡而死同治六年三

月二日也與彬同日死者

劉文煥蒜村北灣人於村外遇賊賊脅之降不屈而罵賊怒鬻截之

羅金章岸底村人先期挈妻劉氏弟煥章妻李氏避賊河岸古甯中賊迹得之金章決戰死二氏見金章被劈罵賊投厓撲河死

張繩祖陽村人庠生員同治六年夏四月髮逆以數十騎攻陽村繩祖率村民奮擊賊爲之卻衆賊擁至圍數周喜其勇也誘之降大呼躍擊沒於戰

王保娃徐家灣人年十八儀表修美初婚未十日與父永寬同虜於賊賊殺永寬欲脅以去保娃見父之死也泣罵賊曰生死爲我父兒恨不殺汝賊爲父報讐何乃從汝乎賊怒支解棄道左村人匿野黍中多聞之者賊去輒哀曰烈男子也

軍興以來與髮逆戰死者又有高村賀銳賀四娃張雙魏公鎮楊  
義堂北晁堡袁應兆文家灣楊大有楊丁娃許家厓許期南陽村  
張樹本張毓麟柴家嘴郝甲祿渭源堡何中和譚家寨周義顯義  
堡尙賓會同里生員李應染凹裡堡生員張大治石灰店張仁鄭  
村侯喜新寨董九州周瑞麒周村党觀光山村屈進平罵賊不屈  
暨自盡者梅花寺陳創客隋過江楊管成尖柏樹劉景海別天禮  
吳新魁王守娃吳文舉景碎象別士芳周村党瑞玉夏元北營堡  
王儉鳳陽坡李漢玉杜玉甯堡耿錫蛟白陽寨李振寶李金李  
忠李春東大寨陳兆祥王宅村劉成康忠華家堡華全孔渠村宋  
恪封河道村生員高聯甲高望川楊玖杜家寨楊鷲楊昇何云何  
雙魚何普何岐何致李先光李時李三管何振江何尙清何喜王  
花王慶元王化德王慶壽裴遠位裴道何全德李英党隨王福德

李情李生新李福壽李哲何金才党英祥党水廉党干祥裴學士  
党廷元蘄元李生福唐喜唐順蘄官章蘄考唐錢唐忠崔志北店  
堡張有薰趙大有段士英秋虎張素錦何春何福生員張南薰魏  
家店王元潤王進福趙良年王振清王三多馮信趙長有蘄成甲  
劉雙安王倉娃趙九侯巴張理張銘張凡張榮張丹劉成劉文義  
劉盛劉石劉齋夏懷張納李貞李正侯歲侯漢中侯勤孟永朝張  
九成袁進福何榮何雲何玉夏家堡生員康振鐸監生張殿甲北  
關郭瑛徐立敬南可村曹大鄭家坡鄭福山村生員弓熙烈南陽  
村張天申符莊娃張天柱張天成二水寺王萬全七品軍功王瑞  
麟陳家溝陳朝芝高家堡党儲禮党廷彥党本娃党受娃蘇坊段  
安福段世剛北王村魏榮萬順升屈命娃李杓馬增福華福馬永  
圖顯義村黃仲黃仔崗耳上張三顧孟王村許桐柴家嘴柴省事

柴省娃尙家坡尙維德下陽村張逢源興城寺楊漢楊全士楊大  
土楊臣娃楊征征楊超太劉順劉石王振甲王振傑王保鎮劉續  
劉進興劉賓楊早成任村康天元南村張月張大倫張得朋張扶  
張大富張官張世祿張大本張鹿羔張大淮張大田張景堂張壽  
堂吳家莊吳永清吳廷熬吳永福段昭吳巧吳秀全段和合王平  
吳川法吳四平吳根吳仁祥吳虎吳嗅仁吳廣祿吳利吳官小寨  
堡張守仁張進和張進玉張進榮張興玉張陳張刊北立節張玉  
衡張翰成張行張宗張繩武張百寅張士成張運來張長福張常  
利姚長祥水渠祝壽祝福普集鎮張遇清常速常際泰常全盛常  
元炳常恕張慎獨常廷著常廷廣常務先常伸常大雅常傲南任  
天張長卿圪塔廟劉文洞張捕村生員李濟瀛余村李念祖綠野  
堡生員党寶仁韓家堡韓青選韓森韓杜縣城孫玉北坡底康有

志康德成觀音堂何錫齡毛家嘴毛志啓胡家厓胡振西丁甲耀  
胡昇胡俊昇胡天祿胡德明胡云朱丁甲盛胡穩胡正明胡向信  
胡茂才胡茂義胡雲瑞胡鳳林胡茂英丁隆舉丁隆英丁隆銀胡  
先鳴胡興隆胡興榮胡棄娃胡興成胡官娃丁甲光胡思溫胡金  
斗胡金升胡興朱淡朝宗胡文獻胡鳳剛胡瓜子魏公鎮楊天祥  
論曰髮回兩劫漫衍三輔幾十年武民以戰死以罵死以自戕死  
有名可志者殆千五百有奇而專城而護衛者曾不聞捐一指委  
一髮則又何說嗚乎文恬武嬉此民命之所以賤也

### 孝義

楊德興字恆齋十五喪父事繼母始終以順嘗聞人談老萊子愉  
親事母偶不悅輒效之以解其憂家赤貧女適楊氏隱爲之助德  
興召女責以義不當爲遣還之曰此不足奉汝祖母也好從鄉先

正形集卷之三  
生探討學問並精岐黃所活無算卒年八十

彭文林高有道俱楊陵鎮人有道力田事親及居喪嘗孺子泣露守墓側年餘文林事寡母能得其心母年五十卒廬墓數年族弟文廣慕之事其母如文林廬墓狀數十年不少懈鄉人稱文林爲死孝文廣爲生孝

劉文篆圮塔廟人世有孝行文篆益卓著居母喪三年不內寢嘗怒子不肖引罪哭告大父木主前遭髮逆變舉家入窖被薰死

張學文徐家灣人母病身半枯動作需人學文寢興扶掖食則代匕箸間日必負母出外戶或游田野十餘年如一日行道皆動容曰孝子也卒年五十餘

李肇堂字肯若大莊半佃城人廩生幼失怙事母如漢石建家居講學執經者常數十人一日講論語至一則以懼哽咽不能成聲

弟子數十均爲心惻時母年八十也母歿旦晚必焚香墓側恭立作請問狀至死無間日

黃自新字浴德道光庚子副榜事寡母以孝著葬依宋朱子家禮伯無子奉之終身一如事其母

申兆魁縣城人以母病棄儒業醫事嗣父與生父等兩父議分爨諫不聽輒泣涕哀號兩父感之遂如初嘗爲人遣出醫病忽心動時母病癱劇歸始知之戚郇爲之語曰父兩心兒一心一心慘兩心轉一時心孰深淺母病癱兒病驚道上行牀上吟皆有病孰淺深

宋斤字風人號武陵桃園人歲貢生事母值逆回亂扶匿南山中母卒以葬不成禮三年不薙髮或慰勸之泫然曰生無以養死不葬忍自適乎年至七十言及輒流涕



楊天德魏公鎮人少勤學以時方用武遂習弓馬成武庠生嫻容儀退然善下能談論與語終日不知其武人也同治間逆回擾鎮父忠母周氏入窰被薰天德時在縣踉蹌歸則賊已去而窰中烈烈尙吐焰冒火入救糜爛死鄉人哀焉爲歌曰人則文技則武手挽弓腰插矢焦頭爛額爲親死哀哉楊家好男子

楊宗泗蒜村人髮逆至蒜村以父浴母黃氏屬弟宗河掖入窰已則持矛立門前格賊死蓋恐凶刃及父母也

李滿堂圪塆子人家瀕渭同治五年十月父爲髮逆所逼投渭尸被水漂滿堂入水覓尸不得乃傾家產募善泅者於上下游求之至次年二月始得之沙泥中衣服形體猶可識

論曰孝庸行也必以畸節詭異求蓋難言矣要之未可以僞爲也自楊德興以下諸人類各以偏端稱嗟乎偏端不易得舍偏端而

附會之何伯子曾參之接踵也

李任天字一清梅花寺人歲貢生累世耕讀至任天尤以重倫輕財著以父憐弟恆天一生不忍拂其意歲飢貧民多食其粟賴以活子春芳以名諸生食廩餼孫光祖亦庠生門下士輒艷談之謂任天之德有以式穀貽謀焉

楊甲林縣城人庠生員饒財能施凡不能葬娶者有求必爲之助喜慶十二年歲祲捐三百餘金復自爲粥以活親友之飢者見武廟施粥碑道光間產業已落然遇賑濟事猶奮然身先衿士

馮勝河道人家僅中產以兩次捐賑知縣黃重其誼並楊甲林陳之巡撫某各匾其門

許慕衡字怡原歲貢生新村人隣人某盜刈其禾見而避之俟盜去乃出邑舊無差局由里什派徭役費積久弊叢民皆苦之嘉慶

間舉人劉晉吉等陳情當道得按畝止派六十五錢仍用里什董之至咸豐初每畝增錢至二百有奇慕衡與同志諸人反覆申請閱五年始復六十五錢之舊事成引退終其身不一染指

楊琪字寶林號德潤由廩生初官澄城訓導倡葺文廟捐俸置籩豆樽爨之屬轉華陰教諭繩約士子無敢佞學規者以親老告歸值歲飢捐貲倡賑今縣衙西偏社倉琪所倡建也

張溶字鶴汀前志渤之弟也初官鳳翔教授以庇諸生忤上官及解職赴富平訓導任諸生皆攜盒酒走送十餘里富平文廟祭器殘缺溶爲捐俸補之俸滿引歸盡出在官所得六白金存商權子母爲武邑軍流等犯歲給衣食城中以此無盜溶能詩善畫著有捧腹集兄子大來字泰占增廣生嘗經理差局事適局務墮壞至構訟乾州同事皆退縮不前大來借墊錢三千緡事乃得直子大

樸字子文以增廣生官四川縣丞家居時發議疏整厓二曲渠灌田百頃蓋人至今以爲利修城助餉增擴綠野書院經費諸義舉前後輸金計數千著蟲鳥集藏于家

王建中鄭村人幼喪父感祖父老發憤讀書早歲游泮援例入明經初以鹽課事致寃邑中靡不感泣謂長者不可爲也逆回之變南鄉三十餘村猝結民團推建中爲首議赴咸陽禦賊建中以衆寡不敵力止之衆不從果覆師焉時堡垣破壞器械無出建中慨然身任其役守具卒得無缺子賓事兩繼母色養備至張圯者空崗堡人與賓相友善以苦讀病咯血賓處於家廟調養逾十年愛敬之忱同胞不過也同治初施粥捨衣以賑難民復具藥餌遇賊傷及病疫者與圯身雜穢惡中爲醫治之暴骸露骨胥收掩焉

党金鏡監生南莊人家世賈而金鏡以嗜學能書名嘗以事適金

陵寓某寺月下得錢票十數紙訪還其主不自德也岐山武某私以二百金寄金鏡所人無知者未幾暴卒金鏡代權子母三年增金至四百有奇召其婦若子畀之持去

黃尙姓趙村人世業農生前明愍帝二年迄今九世子孫皆同爨近亦多讀書有入庠者

陳經楊陵鎮人五世同爨治家以儉勤稱

文學

劉燦里居科名見前志爲人平易近人好談忠孝事以開導人鄉人多化之者

耿鐸字振聲鳳陽坡人不以貧自戚與劉燦均爲孫景烈文字朋景烈稱燦操舉子業能一日成七藝皆可觀而詩歌唱和與鐸爲尤多同時華家堡華有詩十三入庠景烈亦器重之竟卮鄉舉與鐸同以歲貢終

郭慎行字敏夫莊嚴不輕許可人人亦不敢以私干授徒先後以數百計塾滿多賃旁舍以居教以讀書窮理爲宗而必實之以制行每取五經四子書自爲釋解帙凡十數易粹然成一家言門下型之類不僅以制藝名涇陽某生者貧習賈慎行愛其才勸令來學卒成進士其學庸知解行世涇陽生梓而傳者也族人某有寃

正身身系三  
婦死別墅人無敢入其中者慎行嘗假居之婦時出爲弗知也者  
一日忽晝見慎行理責而喻之去遂絕踪餘見前志猶子愷歲貢  
生品學端純有慎行風

党行義字宜菴號雙原縣城人乾隆己亥舉於鄉次年試禮部業  
入選以對策失檢黜巡撫秦承恩甚禮重之舉爲孝廉方正旋由  
大挑選山丹教諭或陷以館金令勿之官不肯曰官雖微亦君命  
也山丹地近邊徼士風夤陋行義至與縣官共嚴繩約多所造就  
又善啓發販夫牧豎聽之皆歡忭每罷市輒秉鞭負橐競往黷官  
聽講去後山丹人思之爲刊碣識德教屢主講綠野書院學者宗  
之於其卒也醜祀張橫渠議者謂武自橫渠寓居講學後孫景烈  
復倡明正學繼起者惟行義與郭慎行慎行之教必先品節而後  
藝文行義則合性命文章爲一途少從舉人趙和璧學後師景烈

其學益進云著四書講解若干卷弟金聲先聲先聲在行義門下  
名最著能傳其學行義晚年取家居講學地創立宗祠並成族譜  
先聲襄贊力多亦自修族譜著周易解釋

劉雲霞字燦若貢生善書所書碑記徧縣境再從兄雲龍教人善  
因材餘詳前志

馬純熙字敬修乾隆庚子舉人性耿執取與不苟其學少華詞歿  
後人無可述但交推爲端人云

康步超縣城人殿撰海裔孫也乾隆癸卯舉人官岷州學正歸貧  
不自支日啗粗糲吟詠自懌年八十餘白髮赤面望之歸然主講  
靜山書院士論推之嘗語諸生我所以矍鑠者能咀嚙書味以養  
心耳因教子弗成遺命以衰服斂謂自無顏見先祖

党瀛字海峰號夷思於書過目不忘學通天文樂律音韻算數旁



及釋道家言下筆數千言不少輟見者輒詫其精所爲制藝每一篇出遠近爭誦應鄉試乃兩魁副榜生平肆志問學窮通得喪略不關懷家屢斷炊澹如也著易禮解藏諸家四書解義已行世馬浚六歲貢生有節義學舊名靜山書院浚六主講三十年士出門下多循循有法度旣老授澹化訓導在任六年歸年逾八十能終日莊坐無倦容

魏型禮字守中戴家坡人庠生父焯見前志型禮立身教人一本宋朱子小學出入必衣冠整肅不妄指不邪視於六畜俱未嘗加以惡言遣子就塾服必儒素婦未着裳不敢出外戶取薪家嘗絕粒煮一蔓菁共食之而門內無嘔飢聲講學授徒從游者或貧無束修靡不勤懇訓誨有小功姊喪在家塾依禮自居增生史簡見之出語人曰魏守中今之古人里黨化之男女好爭鬪及出游無

度者皆斂抑焉

張珠樹號韋廬官汧陽教諭行端方治家以嚴日所爲皆筆之以  
自考子燕綏由歲貢生 恩賜舉人光祿寺署正心無曲折一生  
不記人過燕序選貢生善書工詩兄子燕譽歲貢生拙於世情而  
工爲文燕翼乾隆舉人預修前縣志里人斃張氏世濟其美有三  
珠寶五桂四燕苟八龍之謠

尙保齡字鶴年歲貢生家貧嗜學嘗盡典其衣購所未見書工書  
求者常接踵設館授徒不收浮薄士歷官韓城漢陰廳訓導生平  
重操守以端正稱年八十餘勤學如童年

党佑字省齋廩生所爲古文詞人爭傳誦竟以坎壈終子增號小  
齋至性過人母嘗盛暑有所之受熱致病增痛已之不能挾蓋從  
也立烈日中自暴竟日以贖罪弟業賣油有過嘗寬恕之遇窮寒

無衣者輒解衣衣之至見謫於婦而不改也鄉試三薦不舉以廩生終而門下士掇巍科者比佑爲尤盛舉人楊甲祿跌盪有才氣最自負語及佑輒折服焉甲祿號蓉莊與佑俱縣城人

党承霖庠生員留心邑故事知縣張修邑前志於所著述多取材宇文密字星若學希党瀛後生有疑難率取決於一言密亦喜誘掖勤懇不自止某老生者年與之齊密惡其不謹行也於廣衆中驟叱之鄉貢後以詩文山水自娛選長武訓導未赴而卒先以死期戒家人言果驗蘇坊舉人段允昌一生無疾言遽色雖猝犯之不爲動人以是偉之比宇文氏之比某老生蓋庶幾云

張煥上營里人歲貢生沈靜寡默耽玩經史生平不輕出里閭兩舉鄉飲介賓歲饑累助鄉鄰未嘗有德色次子翰程選貢生凝重類煥少有才望應鄉試屢薦弗舉益自抑以躬行爲學嘗言澹泊

明志止此四字做得到處可爲貞士出亦不愧爲廉吏

楊瑞元字猷夫號西厓楊家堡人馬筮乾同科舉人幹短而癯沈潛善應事所爲制藝類羅文止選鄜州學正未赴卒嘗主講靜山書院多所造就

馬有章號煥堂縣城人讀書識旨歸每嘆當時文體不競所自爲戒剽賊必求實有見地由舉人授白水訓導以繼母王老引歸王沒仍官白水嘗言學官以訓迪爲職豈可自安間散在白水於人材多所曲成生平設教以束修供甘旨親膳塲富人而箱篋中舍手編經籍無長物主講綠野書院如馬浚六之在靜山云

王履祥歲貢生家貧力學設教終身門下百餘人刊石以誌德教孫慶泰字咸若舉人慶餘族弟歲貢生弟子數百發名成業者五十餘人年八十二卒

康溥字廣平號東里早歲入庠慕蓋匡李中孚之風遂棄帖括學  
主涵養本源存誠祛僞因以誠名齋手編理學宗傳要旨一冊玩  
索有得曰聖賢教人皆就極上一層言之耳而人自趨於下可異  
也又曰見無形之天易去一念之私難族人某取異姓子承祧已  
歷數世溥修族譜屏出之奸人嫁禍至構訟兩年靡百金而卒如  
溥意並著譜訓一廟制二祭祀三塋域四孝弟五親睦六宴會七  
教子弟八明是非九絕異姓十守譜牒溥學歸實踐非尙言詮者  
獨此訓數千言秉經酌傳出程朱之說而三致其不得已之意  
道範德容能令識與不識一見起敬嘗總括天地人物之義繪圖  
以授司際虞卒無子興平廩生趙可堇學法王心齋之勇羅近溪  
之堅希顏子之欲罷不能曾子之死而後已懼溥死而所學不傳  
也與蓋匡舉人司際虞華州井蓮爲撮匡略刊諸墓碑蓮與際虞

蓋其親炙弟子云

楊佐堯縣城人道光癸卯副榜党塾號西堂議教增貢生書法皆見重於巡撫林公佐堯屢聘弗應家貧固志不爲境累塾工漢隸今西安碑林石刻有存者歲飢能恤鄰里鄉人稱焉

徐騏字劍堂南鄉徐家灣人同治己巳解元官富平教諭著芑貽堂詩文集梓行

王汝弼燒香台人袁汝淮北昭人俱歲貢生主講有邵義學督責嚴密身後士多思之

工集卷三十一

三

仕宦

徐作楷字端人號臨川縣城人以乾隆丙午舉人授迪化州學正遷知江西永新縣事宦數十年產業尠所增家居時勤於問學恂謹如處子卒江西省腐

論曰仕非爲貧也然倒橐以出滿載而歸在在皆有之經治之區方嘆恨剝削而其人且擁之以自豪嗟乎縣官爲親民吏自廉吏鮮人以仕爲賈而生民之命促國之元氣洩矣若作楷者雖行事不概傳然挹其潔抑足以風乎

孫慶餘字有亭號樂山南留村人少篤學元日午餐不至父遣人如塾視之方攤卷凝思人寔至不自覺也嘉慶庚申與楊錦堂同膺鄉舉除廣西陽朔知縣服常布素禮士愛民太學生某有寃獄託獻五百金關說召責之而卒白其寃奸民由是驚伏移權歸順



五  
州解組歸行李蕭然平生事親接族黨遠近無間言學問淵雅所  
爲文彪炳有逸氣歸籍後迭主乾陽明道綠野三書院講出其緒  
餘士多沾丐學者稱之私仿諸關西夫子錦堂楊家堡人官固原  
學正生平以修潔著

劉晉吉字康侯渠子里人嘉慶丁卯舉人父早卒事母以孝聞官  
階州學正士林愛之於其去也刊石以誌德弟子濟瀛字登峯同  
治乙丑進士官四川洪雅知縣能培士使洪雅文風甲嘉定一府  
卒於官著有古字千言梓行

党金衡字季平號蘭皋南莊人嘉慶間以舉人署浙江長興嘉善  
縣事著幹聲在職獲盜 陛見後留浙候缺孀婦徐倪者因姦拉  
縊姪婦而檢驗無傷痕四經部控讞迄未定嚴旨切責大吏司讞  
以家屬金衡廉知徐倪幼婢已賣於人名桂香者陰得而厚遇之

久之婢自言徐倪縊婦狀蓋其時以帛纏項故無痕也乃召徐倪示以婢一訊卽服補知東陽縣以忤上官差赴滇南採銅時錢塘口屢修輒坼金衡嘗私籌築壩策而未敢言差經聞會謁某方伯詢及錢塘工作具以所籌對某旋移浙撫以金衡策修之及差竣旋浙工已畢而壩始固轉知蕭山以獲匪調歸安權烏程俱有能稱後移仁和未赴任卓異遷揚州分府擬引疾歸未果卒

論曰親民之吏循爲先能次之故趙廣漢鉤距之術班史才而抑焉謂夫過求精能則深刻之務究歸於酷聞徐倪之案

成廟震怒至兩易法曹金衡之知桂香其間由紬繹原鞫供狀而得蓋視鉤距爲有間矣

馬筮乾字純夫號蓼汀縣城人道光戊子舉人已丑進士初知直隸無極縣有惠政歲餘以母憂歸繼居父喪服闋授河南汲縣知

縣廉辨爲民所歌頌而以忤上官旨解職授徒淇上以自給處之  
晏如旣而所忤者去復出署沈邱縣事除新蔡新蔡爲捻匪出沒  
之區俗趨悍素號難治筮乾編保甲申約束一以平和撫之民樂  
爲言以故盜發輒獲奸役皆不動聲色鋤去之粵逆之竄楚也豫  
州大擾潁亳間土匪乘機煽動鄰邑屢陷而新蔡卒無恙太和土  
匪李士林在諸匪中尤黠橫衆十餘萬再撲新蔡皆擊退之時武  
威牛鑑奉命剿賊札調隨剿屢挫凶鋒及鑑謀襲士林大股在  
方家集者檄筮乾由後路攻入筮乾時駐岡里店距鑑營頗遠遠  
奉檄驚謂此舉必困宜速援值大霖雨乃昏夜馳泥水中迹炮聲  
所在趨之至則賊已於趙集與鑑戰終夜官軍昏眩不辨賊進退  
更迭有所息竭力相持平明賊衆始合集筮乾揮所部從旁橫擊  
自寅至未賊大衄奔是後士林聞筮乾名輒遁去又截擊匪股劉

疔瘡於黃虎店疔瘡僅以身免朱明義攻陷息縣筮乾戰擒之保  
升同知而阜陽西鑪教匪起焚掠數邑地連新蔡時筮乾已解任  
上官復以新蔡委筮乾賊滅保加運同銜所獲餘黨原其罪俱請  
從減張峰峻者惑於燒香行善之說墮匪教中既覺而逃當事誤  
以匪首入奏其人自歸筮乾爲力請轉奏得釋晉署浙川廳同知  
視事三月粵逆大至民輒獸散匿山中筮乾弗之禁但密遣人入  
山招募山民疲於向時山寨之苦聞官忽招募防城遂率踵至  
防禦四年諸匪凡六犯城圍之彌月皆不克而去或以例請保舉  
勸筮乾曰與吾民共保身家耳非邀功也卒於汴浙川民爲立祠  
祀之筮乾治家以儉處弟著友愛在官時遺子輩歲一至家僕從  
遙埃之西安不得入里閭以爲常或諫以無謂徒糜錢則曰不爾  
習中宦氣忘祖父田家風矣

論曰筮乾提一 同地戰功彪列其遺愛尤在浙川萬山中磊落之概幾類豪舉考其言乃曰宦數十年恆視官爲苦境亦不使家人知爲官之樂其知道哉其知道哉

楊德懿字彝甫號鰲峰楊家堡人道光辛卯舉人辛丑進士官山東博興知縣剔弊釐奸蠹滑胥役皆斂迹以本生繼母憂去職服闋授廣東合浦知縣未之任權潮防同知調署新甯時東南多事佛山紅匪猖獗廣肇間所在蜂起延及新會開平屬齒新甯德懿籌防甚備賊之陷開平也知縣慶某被逼自盡土著大姓自司空余兆表以下紛紛插紅爲匪首遂踞開平駕渡游駛以長沙金山水口等處爲巢穴德懿移檄開平紳耆數其悖逆示以克復方畧詞甚忠憤遂於巖宮大集軍民置酒椎牛獎激之誓以殺賊衆踴躍用命於是籌餉造器械擇要害地安置礮臺水關明賞罰

以約束戰士心賊由長沙大舉犯縣境攻菱荻咀菱荻咀者新甯之門戶也屢攻不克余兆表等已遁去月股匪徒又大至遂陷於賊眾洵懼勸德懿作規避計大怒叱之曰吾責在守土城存與存城亡與亡耳復召集紳民於武廟灑涕誓眾眾奮起曰願爲我侯死時縣所轄地獨岡鯉魚山謝山牛山咀等處已設伏沈石塞水道棋布周密德懿乘眾心復振擊沈賊船六十餘隻又於石龍灣以小船泊燒賊船十餘艘前後凡十一戰斬首七千餘賊負創奔回長沙不敢復窺新甯而德懿以陰雨煙漲積勞嘔血死其疾也百姓皆籲天願減已算延德懿命死後衢巷祭哭爲立祠縣城西輪祭田七百畝當道疏請入祀名宦祠時論謂此次長沙賊窺伺粵東其志甚銳而卒不得逞者實德懿有以牽制之方菱荻咀之陷也德懿叱勸者退因莊誦勝朝黃涓耀制藝是其死非合義也

不合於義而又不免於死云云聲音悲壯左右皆爲之墮淚

論曰睢陽張許捐軀報國流聲千載觀德懿所爲其用心豈霄壤  
哉嗚乎道光咸同間天下擾擾徧地幾賊疆吏偷生至委城走汚  
汗簡者蓋不乏人矣

耿維中字子持縣城人以舉人官祈陽知縣歷署甯鄉永綏平江  
鳳凰諸廳縣事能使民苗各安堵無所驚在鳳凰廳時某提鎮子  
應童子試啖以八白金求榜首峻拒之擢一極寒士人以是服其  
剛介其去永綏也民苗爲刊石紀德焉

藝術

馬朔縣城人精於醫張氏子久病腹痛發則欲死數易醫未差也朔以銀鍼撥背灸之卽愈楊某者因暴怒跳呼兩睛突出以鍼撥還明如故嘗詣病家至門聞哭聲曰死矣然氣當未絕也人診之次及足曰此非絕症乃雜投藥餌所致詢之果先日連服五劑乃以推拏法治之甦更授以藥數日病如失生員張伯瀛母病瘳四肢皆廢朔曰感君孝當令卽日愈果不再投藥而瘳方伯陶公病劇廣延名醫而朔與焉主客者以其言樸而服布素也輕之朔與衆醫約病患四肢不舉請分治之衆曰手臂易起腿足難舉君當何分朔曰我任其難者遂各以方進陶並用之三日足能健步而臂不舉如故朔辭而去陶遣使追返之謝曰下人肉眼致慢長者請勿介意今專聽君命矣乃更易方又三日諸病皆去嘗言人之



五臟經絡皆繫於背病苟深久裏症必自背現故其治疾多以藥洗背察形視色始加鍼灸或但撥以鍼無不應手奏效巡撫畢公沅聞其名召至面試之歎曰秦醫無出其右者大書關西醫望四字以贈子尉僚孫照離傳其術皆名於邑然尉僚效朔鍼撥法雖驗終不如其神

段君經處士博學精岐黃問病者彙集其門時有活人不受謝之謠

吳和尚自云秦安人嘗寓西坡三官廟能持符水爲人療疾間亦用藥餌某患背疽誦呪移之樹而病如脫有車壓折股者以符水飲之其人卽時起步嘉慶十八年旱知縣張召問致雨方答以災運不可強無已虔禱太白山或有濟耳張如言不驗復問之僧請自從徑因俱陟山夜取磚作符投潭中呼衆趨歸俄而雷電大作

及出山雨已如注是歲他邑皆旱惟與武接壤之地均霑足寓武垂三十年忽自言將死辭衆去

喊佛和尚家近薛固鎮李姓也幼流落於外咸豐十一年忽歸則已爲僧而髮眉將皓白日持蒲團行村落間不數武必拱立喊佛號人因謂之喊佛和尚時鋪蒲團跌坐低眉衆圍視之問不答有所授亦不受久忽張目曰何無頭者之多也時立涓岸南指蓋屋城外曰此金帥營此袁帥營此王帥營也聞者皆姍笑之後數月不知所往已而髮回兩逆相繼蹂秦中迄藍大順陷蓋屋多將軍督師駐城外僧所言諸帥姓皆驗焉

論曰醫固小道然以不精而殺人者何今世之若相尋也馬段尙矣兩和尚不盡以醫見且左道未可以率人奚取乎爾顧其言有足醒俗者在有心人自鑒耳吁



列女上

蔣桐姐張捕村人許字南莊党忻死桐姐年十七未嫁也求奔喪不獲母命乃密製衰經潛出赴哭忻柩翁姑愕問以求死對遣之不可召其父母勸歸之亦不聽衆乃以奉養翁姑勸三始允之時忻父母老家貧忻弟裁數歲桐姐績紡活二者兼育忻弟戚御奇其人罕得覩其面值歲饑忻族有賙以黍者桐姐自食糠粃以米食翁姑暨忻弟賙者廉知其情更遺以麥仍自食麩平日飲食或不給率忍飢以爲常忻母之歿也忻父已先卒桐姐顧党氏一門幾絕重念姑臨終之託卒撫忻弟至生子而夭遺孩數齡復親撫之忻父之嗣得不絕年七十餘卒道光十八年邑令詳請 奏旌入祀節義祠後四年而有魏貞女事

魏娥瑛扶風官村人許陽村張順昌未嫁而順昌死娥瑛時年十

六思殉夫而未決也鄰婦適往慰之語及蔣列女事娥瑛志乃定  
間歸張氏見順昌父鍾英白已意鍾英以其年幼已家又赤貧牢  
拒之娥瑛曰今日之來固貧是求年雖幼乎願以婦職自任如必  
見拒請卽死因攫身欲以頭徵柱鍾英驟止之乃聽留焉處妯娌  
以和睦稱姑疾湯藥必親侍累月不少懈姑之卒也哭聲哀動鄰  
里守貞凡十三年以疾卒知縣鄧表其門知縣繆爲刊碑綠野亭  
旁後事 聞旌閭祠祀如蔣桐姐

王氏南莊党金鐸妻年十七歸金鐸匝月而金鐸死氏念夫之不  
祀而王姑及姑璋均需奉養也忍死而任之時王姑篤老卧牀簣  
氏爲除穢惡浣裋褐不一假他手於翁姑亦如之撫夫姪文潞承  
夫嗣已授室生子遽失偶兼患喘嗽久不瘥氏育病子鞠稚孫至  
典衣脫簪以供藥餌鬢髮如星猶自尸饗未嘗以苦告人先是金

鐸再從兄金銓妻崔氏子歸二年金銓卒事翁姑撫嗣子永春孝  
慈性成姻婦王高其操不使重勞家務氏則不以寡居自逸拮据  
凡五十年卒年六十有九視王氏歿少三歲里人謂兩氏義鈞而  
崔氏之遇爲優云

徐氏王仲智妻仲智卒氏年二十三長子五歲次三歲氏撫教之  
至成立常與二子食糠覈衣百結而翁姑衣食塲素封皆氏紡績  
所出翁姑歿葬祭皆備禮

党氏縣城郭維垣妻十七歸維垣生一子繼垣客死南方年甫二  
十一家無斗儲紡績育孤夜常不眠鄰嫗有代爲流涕者子元齡  
賴以成立

李氏扶風人涼馬村薛懷周妻年二十二懷周死氏事翁姑愈謹  
後二年姑歿明年翁亦卒氏身親斂葬畢屏飲食日夜悲號見者

以爲思親也閏七日燔紙哀奠並告懷周木主其夜遂自刎血自  
內寢流達庭階道光中知縣段爲之請旌

曹氏新寨堡李向春妻十七歸向春向春死旣葬返母家謂其父  
曹積道曰兒上無姑嫜下無弱息生無益不如正斃來此一面訣  
耳遂大哭家人留之不顧而去其夜吞鴉片死衣服容儀端好如  
生同治十一年督學許表其門

華氏龍家門儒童魏守先妻于歸八月守先卒時氏方歸甯痛夫  
死之暴也不欲生而念守先嘗鞠於太母已死則太母或失養也  
乃強起圖報十指所出皆以奉之後六年太母益衰寢疾氏親侍  
和衣卧者六十餘日嘗以手掬糞至噤不能飲猶含藥接唇以哺  
焉卒後百日以事至母家兄嫂有勸再醮者氏置不與辯歸則於  
夜靜時頻往來柩側翁姑詰之以他辭對後數日竟仰藥死襦袴

皆夙辦自首至足均用綫密縫年裁二十五耳

劉氏縣城庠生馬金堂妻年二十二金堂死一子亦天氏事翁姑  
屢典衣易饌及翁姑歿哀毀成疾卒

董氏宋天祥妻年十九天祥出游不反事翁姑數十年撫天祥姪  
爲子督學許以聞入祀節孝祠

徐氏儒士張敬程妻舉一子一女敬程卒氏事孀姑委曲承意姑  
臨終撫之曰我死願汝得婦亦如汝之於我也氏日以鍼黹訓女  
夜則紡績伴子讀書不成誦不已也年逾七十隣人猶有不識其  
面者

王氏郿人也廩生段恒豫繼室恒豫死撫先室子允昌至舉於鄉  
與張徐氏同請旌入祀節義祠

武氏嘴頭尙景鰲妻二十五而寡一子尙幼事翁姑兼撫叔子能



訓誨

党氏東坡華洵汰妻歸兩月洵汰以疾卒事太父及翁姑至髮白如新婦卒年七十又五與段王氏同請旌入祀

留氏渠子里劉濟楫妻年二十一而寡子林在襁褓而舅患痿痺姑又病喘氏曲意承事撫林至長爲娶婦馬氏生焯三歲而林復死馬氏誓志撫焯奉留留感之也時劉註書妻王氏少留一歲亦寡居二子俱幼賴以成立里人有劉家三節婦之稱

張氏黃家堡黃思温妻夫死無子家甚窶時年十九母兄抵隙微言諷翁翁召氏數之則跪地仰天自矢且剪髮毀齒出簪珥盡碎之遂與母家絕往來翁每有憂慮聞氏言輒意解晚年撫叔子爲己嗣督課耕讀無或間而高家堡高占鰲妻黃氏亦以績紡供占鰲伯子就學

黃氏幼時父庠生黃在中爲子輩講毛詩輒竊聽能解占鰲死翁姑以無子勸再醮則低頭面壁涕泣不自已一日復婉諭之乃曰我父講經我嘗竊聽汎彼栢舟矢靡他也請爲翁姑說此詩意翁姑聽其說皆垂涕相顧遂厚遇之不復道前事後翁病幾半年侍左右事必親手翁卒姑亦繼歿占鰲兄有遺孩數歲乃撫之

劉氏小寨堡陳維清妻歸四年生二子而寡時年二十一歲翁濟川悅禮喜整潔氏先翁意舍無纖塵器物絲粟位置皆有定所教二子以佩祖訓習禮儀爲汲汲長子觀濤得名諸生食廩餼焉卒年五十八

張氏趙作功妻年二十二作功死一子尙幼父母皆老病氏以一身措柱因葬翁姑積債至產業不能抵債主義而寬之

李氏河上西堡張位南妻年十八位南死撫嗣子玉麟爲娶王氏

正工果利二八  
二年而玉麟亦死王事姑以孝寡居六十二年卒年七十九視李氏歿長十二歲人曰惜也不及姑之有子也

黃氏李家堡李如吉妻年二十二如吉死無子太母暨姑尙在代夫孝養營葬以清操著

劉氏東崔家溝崔建忠妻生二女建忠死事翁姑撫二女至嫁而有子或以建忠之嗣請以甥承祀輒拒之曰是亂宗也卒年七十

六

鄭氏新寨堡李恒升妻年二十一而寡敬事翁姑撫子會爲娶朱氏四年而會亦死家僅破屋數椽與朱採薪拾穗鞠會子步瀛鄭卒後朱爲步瀛娶崔氏生子甫一歲而步瀛又死崔氏哀鄭之志而痛李氏不絕如縷也孝事朱氏資鍼帶育稚孤如朱之於步瀛焉

代氏南流村馬忠妻年二十二而寡子治已裁二歲翁姑俱老氏  
勤織紡奉菽水撫治已至成立卒年八十二光緒二年蒙 旌入  
祀

郭氏新村魏明妻家貧明傭於人姑老乏衣食並有隱疾氏採薪  
力作百計求慳姑心值歲飢氏負薪於郊有隣媪自戚屬歸遇之  
途贈以油渣餅氏謝而懷之謂姑今日猶未食也再贈之則曰家  
尚有稚子而終不食蓋欲復進之姑云里人聞之藉藉以孝婦稱  
其餘節婦請 旌入祀者在城里舉人張燕翼妻王氏劉書田妻  
楊氏劉世懋妻趙氏監生張大柁妻蕭氏袁增基妻党氏楊申封  
妻馬氏党楨妻楊氏楊復興妻王氏申魁妻鄭氏申振聲妻楊氏  
劉彥芳祖母王氏趙庭傑妻魏氏申萬全妻景氏趙鶴舉妻王氏  
馬廷銓妻王氏監生李蘭芳妻申氏薛茂妻王氏文童馬榮章妻

黨氏黨九祿妻周氏何恆銀妻史氏耿源流妻劉氏劉平林妻李氏王士元妻徐氏戴珠妻劉氏田士俊妻弓氏俱得里王士俊妻趙氏張富妻李氏羅應宿妻馬氏張永妻申氏游鳳里梁三秋妻劉氏梁枝妻張氏王生桂妻劉氏張昇妻翟氏李振廣妻劉氏劉巽妻留氏楊景青母馮氏董瀟真妻張氏王燕悌妻張氏劉殿元妻蔣氏韓店里郭文高妻高氏楊德基妻徐氏李成蹊妻別氏馬午里郭文正妻羅氏朱庭金妻楊氏朱成會妻段氏何元妻姚氏興城里徐長春妻馬氏徐增妻張氏柴義妻胡氏徐義妻呼氏魏明昌妻張氏顯義里周銀妻張氏閆鳳鳴妻許氏徐忍妻梁氏馬錫珂妻楊氏生員徐化龍妻康氏渭源里薛鳳圖妻華氏徐成章妻胡氏宋德福妻馬氏許大元妻李氏黃佗妻朱氏董九經妻董氏會同里史秉筆妻杜氏柴實妻吳氏閆安禮妻李氏承豐里馬

全德妻史氏華紹先妻張氏馬夢禪妻黃氏永安里朱異妻魏氏  
朱金妻董氏殷煥妻閆氏党廷桐妻路氏劉振辰妻徐氏王文懋  
妻馬氏張舒錦妻党氏馬良相妻楊氏邵封里党海籌妻蘇氏姚  
安里張先昇妻朱氏張宗堯妻王氏前一旂孫樹勳妻梁氏丁彥  
文妻党氏前一旂張儉妻牛氏朱仁妻董氏張僚妻李氏前三旂  
楊凌霄妻吳氏後一旂楊先登妻沈氏後二旂馮四佐妻蘇氏後  
三旂徐立妻劉氏左衛里楊代成妻袁氏右衛里馬友妻何氏更  
名里徐成章妻尙氏

列女下

王瑞蓮布王村王氏女幼字胡敞同治元年逆回亂敞客遊未歸  
也瑞蓮依翁居堡中賊破堡得之大悅欲擄去強置車中躍出投  
地扶起則大罵死道旁

楊氏尖柏樹吳穀穀妻母家以亂促穀穀昏甫歸而賊至未脫簪珥從姑匿胡家堡堡陷偪於賊罵曰有死無從賊捉置鏈草刀下曰不從則死仍大罵竟被截爲兩段見者無不雪涕

夏氏女夏家溝人許于村李氏宋氏女宋家原人皆于歸日遇賊夏女甫入李門宋氏裁結納也迎送者俱獸竄兩女新妝兀坐賊抱宋女女奮起大罵數賊強掖之上馬馳至馬家原釋縛置床上又偪之女嘴賊臂鼻口皆流血賊捉其髮縛背着村樹剖腹拔心腔裝一石而去時年十六夏女被牽罵不止賊繫之馬尾鞭馬馳一里許乃下馬支解之李氏客登堡望見皆豎髮揮淚有被擄逃歸者謂親見宋花姐之死也武人呼新婦爲花姐故云

柴眼娃柴金有女昭娃柴和女俱柴家嘴人同治二年九月兩女同被賊偪昭娃抱柱肩斷而死眼娃抱母符氏哭罵被斫符及幼

子順境俱死之

王春燕縣城王紹先女同治五年六月攜婢玉堂由外祖母家歸至乾州王樂鎮突遇賊騎僕從委之而走去二里許憑高遙望見賊抱春燕上馬屢墜俄而刀光閃爍數賊跨馬飛馳去逡巡下視則道塵漬丹身首異處玉堂血滿襟袖而頭未斷也時年十二少春燕蓋四歲云邑士弔之以詩有貞魂不受妖氛染春燕年年傍玉堂之句

李玉貞魏公鎮李文奎女許字尚氏未歸也避髮逆居縣城聞母病疫歸省之抵家而賊至玉貞侍母不忍出避爲所執賊愛其色不忍殺玉貞虐詈求死賊終不殺乃佯應之令賊取酒合盃賊出卽投井賊怒其誑已也連以鐵錘斫背死井中時年十七

論曰貞女遭變嫁不以時而卒以烈死如玉瑞蓮者致足哀矣嗟



平拔舌透爪伊何人事觀楊宋諸女彼雄猶有雌乎

孀婦李氏新村王奉英妻同治五年髮逆掠新村被執置刃於項脅索財物氏怒曰乃母孀居數十年茹荼含辛何有餘積卽有豈能賞反賊也賊憤甚拉斫氏陰立死姒婦郭氏亦被縛在旁奮罵願死賊又殺之

李氏普集丁義妻年二十一扶祖姑暨姑避賊黍稽中賊馬逸得氏以刃脅與俱行氏峻拒之賊斷項禿衣暴尸路旁太翁丁某憫其賢而死之慘也以爲已所制棺斂葬之而戒義曰死無忘汝婦之義也

李氏龍家門馬鶴齡妻美姿容年二十髮逆破堡偪之不遂縛手足馱馬上投墜數次罵不輟被破腹抽腸死

范氏蘇坊王道隆妻偪於逆回投井死

劉氏李氏事見羅金章傳

羅氏小寨里何秀林妻隨嫂魏氏避髮逆村溝古窰中賊破窰欲挾以走氏孥魏罵賊撲溝死魏折一足得免言與撲溝時亦不欲生也

鄭氏蒜村北灣劉璽書妻攜女避賊遇諸塗賊悅其女欲攫去謂舍女當留汝命氏抱女大罵曰我女渾身冰玉焉能受賊污賊斷其右手罵益烈至死身無完膚時年六十一

桂氏渠子里增廣生劉濟海妻年二十八党氏濟海兄子楷妻年二十同偪於髮逆抱楷弟修旦並赴井死而北關徐永賢家婦女十數人同時死井中蓋永賢驅納之也

徐氏魏公鎮佾生楊依楷妻年二十四而寡立志守節同治中姪克寬克恭死於賊氏恐凶焰之及己也謂其嫂曰生而污孰若死

而潔抱幼子率家衆十一口赴井死

張氏金鐵寨韓書妻賊至寨氏掖姑抱子欲趨避而數賊猝入悅氏姿色以褻語挑之氏舍姑抱子投井死時年二十一姑嘗哭之哀鄰士代爲之誄曰不嫌跛夫不屑賊污同三歲兒古井捐軀嗚乎哀哉書一足跛故云

髮回之變罵賊遇害暨自盡者又有西街張樹銘姊李婦北關李珍妻常氏普集丁有室妻李氏鄭村杜三變妻高氏譚家寨譚百萬妻劉氏梅花寺李人妻何氏山村弓新妻朱氏仁村康大奎妻張氏柴家嘴柴有妻秋氏柴大杜妻符氏柴大嘴女党娃生員郝榮光妻路氏梨張溝張五禮妻張氏張念典妻崔氏張景福妻彭氏張學典妻李氏張貴妻萬氏張樸妻趙氏張振邦妻侯氏張士魁妻楊氏張大亨妻党氏張安妻陳氏張吉妻郭氏張春妻高氏

張玉振妻党氏張貞妻郝氏張海妻郝氏張元金妻王氏張且妻  
李氏張清連妻李氏生員張文燄嫂李氏崔氏魏公鎮楊定母徐  
氏伯母耿氏叔母馬氏嫂武氏李氏張家岡徐林妻劉氏劉乾妻  
郭氏劉發有妻楊氏張應中妻彭氏張興妻王氏張納妻殷氏張  
智登妻楊氏張遠妻王氏侯川妻陳氏侯歲妻魏氏杜家寨李生  
光妻解氏何銀妻洒氏何成妻王氏何振江妻彭氏裴坤妻符氏  
何盛妻陳氏何永清妻楊氏王花妻崔氏王化德妻趙氏何尚清  
妻劉氏何光妻石氏李昇妻呼氏李英妻符氏王美妻趙氏李生  
花妻崔氏何秀妻曹氏党有祥妻馬氏党起祥妻屈氏党金祥妻  
崔氏党發祥妻張氏党仁好妻李氏党金春妻徐氏党賁妻符氏  
靳平妻崔氏靳秀春妻杜氏靳祥玉妻朱氏靳尚春妻孟氏唐仁  
興妻雪氏唐錢妻盧氏唐忠妻張氏唐岡妻任氏白楊寨李培泉

妻李氏興城寺楊向離妻王氏谷尼寺谷大有妻田氏谷大用妻  
范氏谷大道妻白氏谷大經妻成氏谷振州妻盧氏谷振森妻彭  
氏谷振山妻石氏谷長潔妻金氏谷振安母李氏谷時翠妻王氏  
李得祿妻葛氏胡家厓胡戰妻段氏胡鳳儀妻陳氏女大姐娃二  
姐娃胡鳳林妻許氏胡鳳舞妻張氏胡聯學妻劉氏胡聯東妻劉  
氏尖柏樹王守富妻張氏張遠照妻劉氏吳聚義妻楊氏北立節  
張本立妻倪氏張綏妻陳氏張得妻馬氏張天勇妻吳氏張天成  
妻賀氏張柔妻王氏張天勇女秀貞吳家莊吳鳳妻張氏吳萬金  
妻雪氏吳廩妻張氏吳廷嘉妻宋氏金鐵寨金珠寶妻張氏布王  
村王懷清妻劉氏張維玉妻許氏

選舉

人物分門則選舉似可無表然不表而無事可紀者  
得不憾其淪佚乎噫士有咕嗶至老死不獲展一技  
效一能者蓋所在皆是也作選舉第八

進士

舉人

貢生

武舉

嘉慶

張寶樹

辛未十六年

見前志

癸酉十八年

張燕序

拔貢見前志

楊天賜

見前志

張燕譽

歲貢

張西銘

張淺霞

五子... 卷一

甲戌十九年

戊寅二十三年

年

己卯二十四年

道光

辛巳元年

壬午二年

歲貢

張修齡

歲貢

楊甲祿

馬尚德

歷署湖  
北穀城  
宜城黃  
波棗陽  
等縣知

張熾

歲貢

段允昌

癸三年

乙酉五年

戊子八年

党均

張翰程  
選貢

趙文炳

任鄠縣  
訓導  
升四  
知縣  
大挑  
秦州  
正學

馬筮乾  
楊瑞元

劉雲瑞  
歲貢

張居敬  
歲貢

段毓清

戊子系覽示

選舉



馬筮乾

巳丑九年  
辛卯十一年

楊德懿  
楊大文  
弓惟革

劉慶雲  
歲貢

壬辰十二年

馬有章  
副貢

丁酉十七年

楊大奎  
選貢

楊大士

己亥十九年

劉濟瀛

胡聯芳

甘肅靜  
甯千總

庚子二十年

耿維中

大挑一等  
任湖

黃自新  
副榜

年 己乙 二 十五	年 卯癸 二 十三	年 丑辛 二 十一	楊德懿	張應遴	南鳳凰 廳同知	李肇堂 歲貢
楊甲棫 歲貢	崔奉岐 歲貢	王履祥 歲貢	楊佐堯 副榜	馬晉錫 歲貢	金鳳周	解元漢 中鎮大 安汎千 總

選舉

年 配 二十九	年 未 二十七	年 午 二十六	
馬有章		党登鰲	
王雲漢 選貢河 南孟津	李任天 歲貢	許慕衡 歲貢	馬應坤 歲貢

	庚三十年	咸豐 亥元年	壬二年	癸三年
		楊謙光	張燕綏 <small>恩賜 舉人</small>	
縣知縣	張熙 歲貢	鄭嘉德 歲貢	田士英 歲貢	
		王維墉 胡宗海 楊九江	康仲科 <small>漢鳳營 千總</small>	郭臨池

...

選舉

四

三才圖會卷之六

丙辰六年

丁巳七年

戊午八年

庚申十年

党璉  
歲貢

趙詠青  
歲貢

董景川  
歲貢

宇文密  
歲貢

朱映離  
歲貢

成邦俊

辛酉十一年

徐煥奎

徐騏  
選貢

趙聯芳

党秉焱

同治

徐煥奎

徐騏  
解元

壬戌元年

廣東海豐縣知

癸亥二年

党昌鑾  
歲貢

乙丑四年

劉濟瀛

四川洪雅縣知

崔步雲  
歲貢

王汝弼  
歲貢

五

雙

七

	丁卯 六年	己巳 八年	庚午 九年	辛未 十年
			馬錫齡	
白元泰 歲貢	宋斤 歲貢	楊含光 歲貢	陳瀚 歲貢	孟熊易 歲貢
			徐智信 曹百瑞	

癸  
十二年

甲  
十三年

選舉

馬  
葆

選  
貢

劉乙照

崔曉嵐

歲  
貢

雷揚武

張星照

歲  
貢

白定邦

孟熊弼

歲  
貢

王占鰲

陳治書

歲  
貢

董錫晉

歲  
貢



光緒  
乙亥元年

丙子  
二年

丁丑  
三年

馬錫齡

馬  
蔡

孝廉方  
正

劉  
乘唐

魏  
象書

黃  
銘堅

副榜  
恩賜

楊  
守章

歲貢

楊  
致太

歲貢

袁  
甲麟

歲貢

馬  
用章

曹  
化龍

雷  
榮武

張  
景岳

己卯五年

壬午八年

乙酉十一年

蔣世彥

袁汝推

歲貢

楊淩青

歲貢

馬錫蕃

歲貢

耿鍾麟

選貢

華岫

恩賜

副榜

康棲鳳

韓起文

代

選舉

丙戌十二年

副榜 恩賜

馬夢齡

歲貢

申良翰

歲貢

附行伍道光間一人何桂把蓋屋納粟得職道光間二

人党濤山東曹縣縣丞徐聯鏞鹽大咸豐間一人耿權中四川

崇慶吏目同治間五人楊元第廩生咸豐間山山西馬榮午廩生

訓導張蘇州廩生商訓導崔步雲廩生懷遠張樵湖南巡檢

沈志摘存小引

戊子夏仲新續武功縣志十之八付劄劂氏矣縣令重讀前沈志而興喟焉執以示其賓曰今之續志續張志也邑志入 國朝蓋三出曰李志曰沈志曰錢志錢志後出匯李沈爲一至秀水張侯踵錢志之畫一而增損之以上續乎康殿撰原志之後曰張志然則張志存而三志爲不刊矣雖然李與錢已無原本沈卽僅有而版亦全毀其中足觀時變而資風勵爲張志所未收者蓋亦有之無沒前人之旨以昭示於來許是貴有道以處此矣賓曰唯唯子意良善亟約取而附諸新續之後縣令不贅自明賓卽所謂編次續志者也

風俗

南阿子曰余嘗讀前志至論吾邑風俗據當時聞見已嘗數變矣

今又且二百年不知又幾變矣以此類推古今前後槩如斯也往  
余不可知自余束髮聞之先輩有感之言曰明隆萬間鄉先生敦  
尚行義其子弟謹矩度諸生絕跡公府不得已以事詣官面赭莫  
能前市井小人解畏法罕酗於酒者吏胥奉簽票凜凜毋敢聲色  
憑陵人民間力田樵牧外無他志盛饗會器用惟陶匏有事聽里  
老處分重入官千金之產皆卑約自戢難於起高屋婦女無華飾  
今不盡然矣顧余則目見當時士大夫體貌莊雅猶如前輩言其  
輕薄後進雖一二滋躍冶然極嚴憚長者諸少年見尊行必深揖  
步遶巡聲唯諾或高拱手卽詫爲弗恭親戚交遊慶弔誼相關猶  
以不克贊佐爲歉縱不自樹尙知訾侮善人爲非里有從學者齊  
民卽殊禮貌相視飲博無賴潛踪跡自匿鄙野農夫至縣鮮終日  
酣飲者數至官人指爲豪右則惡聞其名奴僕稍稍跋扈終不敢

顯抗其主隸卒之子讀書莫有徑自投牒無忌者婚喪祭漸踰侈  
卒隱隱懼非分士人家婚姻論門閥未嘗少責財細人華衣服時  
相耀旁觀者輒目笑之民間婦女冠白金曳輕縠者間見今又漸  
踰矣而自鄙野來給官事及近城市習觀望之民又悍詐百出驕  
肆凌競交倚狐鼠持人短长假虎威爲聲勢一得計爭相效故爲  
不理若無所憚於法然其中藏實悞擊之輒靡制之亦易不窺其  
裏者以爲善狻不敢較以故益狂悖無狀夫風俗自厚而薄自謹  
而肆自樸而華必趨之勢也顧以觀前輩所傳暨余所目見習尙  
如彼人皆相循於禮法則其流之弊誰始誰委耶時窮則變物極  
則反或亦有不終敝者然水決則潰隄防者土聽其潰而莫之防  
惟有極淪胥已爾此其未流敝習弗聽之而維挽之者又誰耶呂  
文簡先生序前志云政不必皆官識法者卽可立教不必皆師見

道者卽可端蓋正已足以正人是亦政矣有道足以率人是亦教矣雖然風俗之盛也豈無不善者而衆習於善則不善者不能以自存及其敝豈無善者而習於不善者衆一二翹楚固不勝茅靡之多也順風而呼非加之草上者奚望哉吾邵故稱力農務學有古人風古者井田學校相表裏故其風俗善後世去古日遠皆由人好奢驚他業不歸農任情恣好惡不知學故也抑又有說農者沿生業之本學者求生理之原以二者先後言業爲先以二者輕重言理爲重彼人見利棄義逐末忘本豈非皆以其學非乎上知學則達於理之所重而導以業之所先下知學則曉於重之所歸而務夫先之所尙業正則理可明理明則業益正鼓橐而響應其有不貴本返始者希矣此又率先復古主持風化者所宜知也

按南阿先生論風俗一條不啻暮鼓晨鐘直砭膏肓傳曰沃土之

人多淫逸也逸則惡心生瘠土之人莫不向義勞也勞則善心生  
武邑土瘠人貧較他邑爲甚而侈靡驕肆反過於他邑其故何歟  
邑中長老言曰邑當國初俗古樸敦尙禮讓喪葬稱家有無嫁  
娶綺縠珠翠惟縉紳家用之庶民則荆釵布裙間用紬裙紗衫一  
二具什襲珍藏以傳子孫大事率數金可辦也鄉農入城市衣短  
布衣具糗糧充饑事已卽歸有終身不入酒肆不見官府者矣儒  
生率循循雅節遇尊長僂僂罄折不敢與抗禮有志者會文講藝  
篝火通宵絃誦之聲達於遠近間有一二弛躡之士亦畏清議指  
斥不敢顯然自放洎康熙三十年後生齒漸繁物土滋衆遂奢侈  
成習漸易其初每見膏粱子弟制華服飾鞍轡朝更暮改以相誇  
耀輕薄者從而效之始於城邑延及村鎮喪娶之費或至破產不  
顧驕肆成風不循條束是非防之於漸反之於質恐其流愈下則



難變矣昔韓延壽治潁川欲教民禮讓因與議定嫁娶喪祭儀器畧依古禮不得過法百姓遵用其教賣偶車馬下里偽物者棄之市道後黃霸代延壽居潁川遂因其迹而大治由是觀之教化興則風氣變轉移開導是在實心者行之耳

重修后稷祠碑記

布政使 閻鐸 馬崑人

后稷祠舊在縣西南二里許後徙縣城之西坂上傍有古窰極邃松檜交翠世傳唐太宗嘗讀書於此乾封三年復建神堯別館周顯德中歲久傾頽為僧據為上閣寶意寺而祠泯矣令是邑者累議復之率以因循引嫌弗果弘治辛亥邑侯學通來令未幾方議興復時則繡衣李公按臨提學憲副楊公適至具白之僉曰宜侯遂鳩傭掄材撤去故蔽益以新美未踰三月堂皇廊廡先後就工階砌垣墉次第即敘宋棟牆壁之飾丹雘黝堊之色煥然一新乃

薤釋氏土偶塑后稷遺像而姜嫄則塑於祠後之家慶堂落成之日官民羣集仰瞻致敬莫不忻忭儒學教諭曹山語諸縉紳曰百代故典復於一朝易縉流幻妄之所爲衣冠文物之境民不告勞帑無費出曰茲盛事宜有紀也因具札佯來以記屬焉予惟后稷粒我蒸民功在萬世而邵又其錫封故土復之義也顧自周迄今歷年若令幾何則祠之久廢可慨而侯之斯舉可嘉焉且侯以西蜀永川世家發身賢科來令是邑首新廟學歷覽山川遍求遺典而興復之禱雨暘於屢應發民隱於神異伸冤抑鋤強梁禁邪淫均徭時斂復逋賑饑糶魚菜戶之科節婚喪禮之費修館傳成橋梁謹平量值之屬纖細無遺其才德識量有大過人者近數年來政成俗美遠近謳歌以此益信斯舉匪侯不能也夫是祠恢復舊物宜書屏逐異端宜書弗勞民弗傷財宜書一事而三宜書予得

正工 聖廟 卷之二  
不歷舉侯政之善併書之以爲將來告歟

重修鴻禧觀碑記

康呂賜

康熙歲己丑四月一日邑人請記唐太宗祠并及鴻禧觀曰觀故有三清殿五楹後右有三官殿三楹今皆撤舊更新與唐太宗祠次第告成時有聞者在坐論曰觀前祠後其地同重修時同記一之如何余謂如若論可一也顧祠有祀義焉觀於義無涉焉得一旦後世好爲非法之祀也甚矣余乃又益之言哉然重違吾鄉人之請又觀之來已久中有古栢十數本狀若神虬有喬木之義其地清幽頗勝遊觀者多及之亦古蹟不可沒者無已當別爲記而余但有一言爲吾鄉人告夫三清之教託胎老子其道清淨無爲其流垢濁一世自爲一教而斯人者老其老長其長幼其幼廬其居食力供租日被堯舜周孔之澤禮樂法度之遺羣相忘焉而道

觀與梵宇徧天下爭紛然奔走崇奉之豈非其福罪之見相習意必如是焉崇奉以庶幾神之祐也耶余茲亦不言彼道之與吾異而但卽祈其祐者爲說則老子之教鍼砭生人膏盲可以造福者蓋亦有在而斯人者宜審所以崇奉之也人心世道之害莫甚於貪老子曰知足不辱知止不殆曰去甚去奢去泰害又莫甚於傲與爭老子曰以其言下之曰以其身後之曰不敢爲天下先夫人誠崇奉斯言各務去其貪傲爭之心以自修省以相生養以返淳樸安和順自求多福卽神之祐之矣不則雖爲金闕瑤宮以媚於神恐亦非所與也於是聞者首肯余言曰此其告吾鄉人崇奉老子之道著矣然則吾學者亦有取於彼乎曰吾道自足凡彼之得者皆吾所有也昔人已嘗言之矣曰後世若范蠡張良漢文帝用其道皆輒效老氏之清淨實非無用者豈無有可以資吾學者乎

曰彼其道固亦嘗欲用以治天下如所云無欲無爲無事謙卑慈  
儉之類不可謂吾道所無特彼有意溺是乃迥與吾異在彼所自  
詣亦不可謂不自成其至而本原不免於弊其用遂非而學焉者  
益失之故爲子桑戶之簡爲原壤之賊爲列莊之肆任荒唐又爲  
曹參之羣吏酗酒爲晉人之清談放蕩頽塘踰閑日流日敝又其  
流爲凡爲我者之自私自利又其流爲養生之術至枯槁山林遺  
倫絕物又旁流於說爲蘇張之縱橫於法爲申韓之刑名於兵爲  
孫吳之攻取范張之謀漢文之治雖有薄效而實則謙讓祇成苟  
安陰謀毒深詐力又皆竊老子之糟粕而并其本根無之也又如  
和光同塵學爲鄉愿之媚不以智治國學爲愚民之術卽老子之  
道之失未至如學之者之甚而其弊有必至吾黨可復蹈其弊耶  
况吾學至當歸一彼自爲一道吾不得比而同之又安得引而用

之然昔之君子蓋亦嘗出入彼道中而知所反矣使凡爲吾堯舜周孔之學者觀彼所謂抱一歸根何以異吾盡性至命涉川畏鄰何以異吾戒慎恐懼閉門塞兌何以異吾謹言默成因彼致虛守靜之淪於無而思吾立誠窮理之實因彼翕張予奪之疑於詭而思吾進退存亡之正知彼道法自然有倚於不用之見而求致吾行所無事之智知彼芻狗萬物有委棄因任之意而求全吾充塞一體之仁知彼以仁義爲大道之廢有一向悶醇之失而務盡吾時措經綸之宜知彼以禮爲忠信之薄有矯弊過甚之偏而求順吾天然至善之則則老子之道亦借鑒以歸中正之一資矣善學者其知所以取鑒哉於是聞者又頗以余言爲然曰是又可以告吾黨之學者矣余亦遂以卒記事而備附其言以俟正於識者

重修姜嫄祠后稷祠碑記

康呂賜

按縣志后稷祠在城內西上故寶意寺址也明弘治間改建祠及  
改舊碑言祠之始徙於此無年月其世代大都在唐以前浸廢爲  
寶意寺則寶意先實爲祠之故址至明復改建祠也志特自改建  
時言之耳志又云祠後作姜嫄祠與碑記同皆言明時改建事今  
姜嫄祠在山巔最上又不知昉何年也姜嫄祠制三楹前獻殿稱  
之南向由祠前左崖曲徑下地較潤爲后稷祠三楹四垂簷亦南  
向前後栢二十餘本甬道當中有門歲時聚賽頗盛而其地踞高  
上風氣四來全邑在覽稱邑之一勝遊觀者往往至祠下祠歲久  
浸敝康熙辛巳邑人鳩財因舊制完美之又增構大門樓三楹爲  
吹豳衍鼓所旣竣績以紀事告余夫后稷教民之澤在天下萬世  
凡鄉國舉難忘所自矣况邨其所故封土哉而其封土又先爲母  
家詩曰卽有邨家室周人溯生民之初亦世祀姜源後之祀者又





吾鄉自典屬國以忠節著西漢歷三唐兩宋代有傳人至明弘正間對山康先生起家文章臚唱第一旋遭放廢以山水聲伎自娛逸韻高風廉頑立懦蓋賢者之所居若此其重也未俗滔滔舊老遺民邈然不作二百年於茲矣予生也晚不獲親炙先型又以鹿鹿宦遊日趣辦於簿書期會闡揚未逮抱疚良多然而高山仰止維桑與梓忍聽其文獻無徵豈非後起者之責歟先生詩文在嘉靖時已刻有全集既而校於張選於朱李嚴覈於王重刊於潘經五先生之手定而成世遠年湮兵燹之餘藏板久失僅存原本剞劂不工亥豕多謬予乃廣搜里人家藏繕本與原刻互爲參校字離句勘再閱寒暑始克卷帙裒然付金閭坊人重刻之因得卒讀而三歎曰天之所靳者才耶才之所厄者天耶古之君子得志則功業顯於當時不得志則立言垂於後世彼寒門單素咕嗶呀

作兔園冊語固其所也若置身青雲膾炙藝苑舉世以祥麟威鳳  
目之而無端之玷鬱鬱終身徒以詩文爲流播其豐此嗇彼之故  
誠不可解才固無如天何也然其冒嫌見瑾救良友於生死之關  
視世之重利市交反眼若不相識者賢不肖相去爲何如若虞山  
錢宗伯所記軼事更有可傳者楊侍郎過潯西留飲甚歡自起彈  
琵琶勸酒楊言家兄在內閣殊相念何不以尺書通問先生面赤  
眦裂擲琵琶撞之追而罵曰吾豈效王維假作伶人討官做耶歸  
田三十餘年歿以山巾服自殮囊橐蕭然惟大小鼓遺三百副  
其風致如此則先生之詩與文槩可知矣 國朝辛酉年間盜發  
其塚啟函視之塵灰漫滅中雙瞳爛然一似不能瞑者則又何歟  
予以爲先生之人品旣與日月爭光文章又與星雲並燦豐此而  
嗇彼亦因嗇而愈豐是天又無如才何也先生亦可無憾於九原

五  
工  
身  
集  
卷  
之  
一  
矣乎昔梁湘東錄書有用金銀筆者有用斑竹管者若先生之集  
世有湘東當必以金銀筆從事焉而予非其倫也姑爲序之附名  
於簡末以竊餘榮已耳

康狀元話武功山水

李夢陽北地人

夢寐關中好連年未得歸側聞武功勝佳興益翻飛永繞褒斜出  
山從蓋屋圍因君覓水竹爲買釣魚磯空同集

澹西夜坐同諸君子作

呂高陵人

此夜渾無寐諸賢盡在茲四山三月雨一院百花枝病裏尋春晚  
燈前放醉遲好懷能不靳應慰野人思遊湯泉集

同涇野諸君子重過澹西宴集值雨之作 耿 儒

宴集空堂歷翠微小杯傳酒對雙扉好花若待高人發細雨仍催  
佳興飛憶昔笑談渾在耳而今風景亦多違羣公更是文章伯自

覺陽春屬和稀

遊湯泉集

春日同對山舅氏太乙弟讌潯西

張 鈞

爲愛春風好酣歌任醉顏鬢華憑歲月懷抱共雲山世路直如矢  
人情轉似環閒心流水去誰與濟時艱

繼述堂詩集

登后稷祠懷古

周日熙 邑令

超興發夙悰寒裳萬物表悠悠望綠野懸懸丹霞杪上古云何潤  
近代云何小鹵莽而茂裂霽靄變昏曉始從情所寄冥翔倦飛鳥  
追憶有邵民耕耘八百肇詩書東南畝禮樂西北沼一自獲麟後  
穠菱殊未了助苗而偃苗乾坤滋紛擾生平忘是非到此豈矜矯  
拂面風泠泠仰觀月皎皎我家東海濱回首煙波淼

修緣野書院釋奠橫渠先生

康引叔

六籍歸名教二銘發眞詮宏啓關學緒濂洛並薪傳茲惟過化所

式力系賣志 卷之二 沈志摘存

流澤奕世綿束髮游綠野道像炙儼然談經不可作司掃數欲前  
風塵舊夢想榛苓故里懸十年今一拜淡用感桑田亟思驅雀鼠  
几筵肅豆籩臯比神如在吾道幸默宣

宿寶意寺

楊季昌

龍樹談經夜色留一天花雨霽新秋彩霞散錦隨風至碧月如花

上客樓

嶰雲集

春日遊客山

前人

尋芳三月過橋東紫燕飛殘樹底紅嶺上溼雲含雨至鶯聲嚦嚦

出林風

嶰雲集

蘇子卿祠

李大春

春雲澄夕霽躡

音屐極

出北門川氣濯濃李隴鳥飛楊園比開有

蘇子荒祠托山樊飛甍

音萌

列樓雉網戶馥蘭蕙時見牛羊下詎知

漢節存志士在宗社功名安足論歸授典屬國孰云非君恩衢子

悲無恙辛苦故人言千年河梁上北風驚旅魂采菊堂詩集

夢遊太白山賦太白故在武功境內

康海

弘治闕逢攝提格終相之月康子夢遊太白與金子可卿乘馬領  
僕各執糧糗飫餉之物浮濛渭跨鄜塢環惇物逾武功去約萬里  
西望塞蔽恐怖倅齶突惶惑震厲若將遂為虎豹之嚙有老人者  
雪鬣鶴髮電目龍顏自西而來若愛君識請以前路則笑而不言  
少頃復去金子曰若非山川之精耶豈將疑我以迷晦顧我以虛  
誠也乃躡以其後則豁然四開巒回徑折泉下雲散予曰是未可  
止也夫八紘之廣獨有太白盤礴崑嶷瑰瑋崎嶇神靈秀明磅礴  
音 壑 窠 薛 夫 是 但 謂 未 麓 近 壑 然 未 邃 也 乃 與 虬 音 延 兀 石 轉 附  
垂藤升矚巉壁靜嘯絕坪忽萬里之瞬側何溟渤之未窮雜卉蒨

倚蔥石泉沸騰嘉樹驂乎九御神風颯乎太絃驟駢散乎餘粒蛟  
螭視乎細繩電光恍乎山足雷聲浩乎廣聽零露凝其在衣松濤  
悠乎啓聲金子曰快哉遊乎夫造物者假我以聖智崇我以令德  
我弗用觀柰此膚景遂直詣而不同何茫茫之勿騁乃爾若神物  
之可憑歷千岩之邃嶺山石儼乎華嵩細流浩乎滄溟蓬蒿翳乎  
峰壑墜葉震乎雷霆老人跨鶴從雲前下笑曰異乎子之善勇也  
夫太白始峯炎暑冰沍萬夫之勇亾有敢及况迫於是夫是泉脈  
應乎坤軸遮飾極乎越區天局音賞邇乎可聲神祇恍乎可呼至循  
厓之前重谷之裏百鳥不宿神獸亦避雖至人亦蔑有入也越此  
百里西下陰壑復關峻岳則金屋龍棟控亢聳搏異花雜乎瓊瑤  
仙風冷乎清綽靈芝馥乎滿郊麒麟馴乎盈郭龍蹇屈於平池鳳  
翩聯於長漠此則上帝之秘區而太白之關鑰也其東百里瑤宮

葢殿萬戶齊啓蒼光青氛四回周起函丹書於億笈紛朱絃於兆  
徵散靈繭之如斗歷綺輶之奇靡總百綵而具存奚瓊桃之如纍

此又太乙之宅合陽之宮至其南也朱雲陸離丹閣霽翁上霽此

未詳神桂宿日南極奉塵羽翰極乎麗暉珠月極乎彫飾鵬鸚駕

而鳳軒鯨鯢御而兕履是謂朱明之宮天帝之闕北則至幽讀如

號曰玄府紫微之所宿萬象之所聚玉臺瑩光冰柱炫色珊瑚如

林水晶四徹雲沆漻而守嘿氣鬱森而馳起靈龜玄龍叅錯其下

松檜接乎帝闈金碧曳乎泉石翼八獸以守衢役百神而司臬夫

皆五天之至精萬化之樞紐能有至者皆必其負靈秘與抱圖膺

籙之士有天人之德者也已而風柔香陸路豁視空若雙龍之負

引倏靈宇之就中仙姝麗乎兩間洞簫錯乎萬笙皓歌凝乎飛泉

朱絃颯乎翠空座列煥乎雲端境象委乎穹樞環珮鏘乎旖音旒



乃里禮數儀乎動容予乃攝衣升堂長揖就位悟人世之囂紛歎  
靈局之皇闕乃與金子終身同丈人居之不去

歎潦水賦

有引

康海

甲寅秋九月余南望綠野書院時秋序已闌微雨新霽丹  
楓載塗青岑彌望同遊諸生各論往哲務極鋪敘然而渺  
茫無實不能近道康子憂之感時序之不同卽潦水之將

逝作潦水賦

嗟昊天之孔明何人生之斯徇渺歲月以延佇迎塵靡而不同務  
談諛之相軋汨理道之遺頽昧明德之輝耀弗崇高之自媒粵山  
水之蔥蒨亦置遂而上推矧儀宇之修潔實上帝之所開非枯樁  
之矯僞何景景而就痛乃平聲顧自托之修固捐往迹之虛詭嗟蘭  
茝音齒之微細乃托迹於崔嵬何斯人之靈闕顧放蕩而無核羌撫

景而長惡望聖哲而取裁用修惕於同志願中孚而不猜歎潑水  
之弗久嗟狂瀾之易催倘實際之未悟終事業之未恢也

正工集卷之三十一

三